

HISTOIRE DV BAVLME.

OV IL EST PROVVE' QUE NOVS
AVONS VRAVE COGNOISSANCE
de la plante qui produict le Baulme, &
par consequent de son frui&t,
& de son bois.

CONTRE L'OPINION COMMUNE
de plusieurs Medecins, & Apoticaïres
anciens & modernes.

Version Françoisse, tirée de PROSPER ALPIN
par ANTOINE COLIN, maistre Apo-
ticaire iuré de la ville de Lyon.

LIVRE QUATRIESME.




A LYON.

Aux despens de JEAN PILLEHOTTE,
à l'enseigne du nom de IESVS.

M. DC. XIX.

Avec Privilege du Roy.





A MONSIEVR

DV SAVZEY, SIEVR DE
V ARENNES, CONSEILLER
DV ROY, LIEVTENANT PAR-
ticulier en la Seneschaussée & Siege
Presidial de Lyon.

MONSIEVR,

MUne si funeste & malheureuse
fatalité poursuit aujour d'huy
tous ceux qui escriuent, & ils esprouuēt vn
Siecle si ingrat, que leur fecondité leur des-
plaist, tant les iugemens sont steriles à leur
faueur. Ceste consideration a arresté depuis
long temps le desseing que i'auois de faire
voir le iour à cest auorton, de crainte qu'il
ne parust pour se perdre, estouffé & esteint
dans les opinions contraires qu'il combat,
& qu'au lieu d'arracher le preiugé d'un
dogme suranné, son attentat coupable de

AAA 2

temerité, qui ose chocquer & affoiblir la croyance generale, luy fit trouuer sa dernière nuit dans son premier iour. Le Baulme duquel ie traicte, possède des vertus qui sont pardelà toutes merueilles, capables de donner de l'estônement & de l'extase aux esprits plus releués, & entre ces facultez, ceste-là est cogneuë & chantée d'un chacun, qu'il fait paroistre en la guerison des plus profondes & desesperées blesseures: neantmoins rien ne luy est si contraire que le fer, duquel s'on arbrisseau n'est si tost playé qu'il ne seche, faisant tarir ce suc secourable qu'il distille. Ainsi ses fueilles qui se promettent de le faire refflorir & regermer, ayant cõfõndu l'erreur qui a persuadé qu'il n'estoit plus, pourra, peut-estre faire mourir ceste ignorance qui nous est honteuse & reprochable: mais aussi il est à craindre, que guerissant il n'irrite, & qu'il n'esprenue de plus dangereux ennemis, que ceux ausquels il aura voulu desiller les yeux. J'ay creu toutesfois que ces raisons estoient trop foibles,

bles, pour esmousser la poincte de ce desir
 que i'ay consacré depuis long temps au bien
 du public, le seul objet de mes veilles, &
 qu'il estoit plus à propos de sacrifier ce nou-
 veau né, à la mesdisance des zoles, &
 qu'il fust deschiré des Aristarques, qui se ri-
 ront de son innocence, plustost que de frau-
 der ma profession de ce que ie luy dois, esga-
 lement tenu de retirer de la fosse de l'er-
 reur ceux qui y sont tombés, & d'aduer-
 tir du precipice ceux qui en approchèt: Que
 si neantmoins le mensonge l'emporte sur la
 verité, & que ie ne puisse accoustumer les
 Chats-huants à porter l'esclat d'une sainte
 doctrine, ie me consoleray de ce contente-
 ment, que comme le Soleil ne laisse d'estre
 lors qu'il esclaire aux Antipodes, bien qu'une
 épaisse nuit nous le desrobe, que de mes-
 mes ceste verité ne laissera de subsister,
 quelque broüillars que luy oppose l'igno-
 rance. Je luy permets doncques de sortir sur
 ce desseing, & ie ne doute point, que tout ne
 luy rie, & qu'il n'aye une naissance heu-

reuse, puis que vous daignez estre sa Lucine, Monsieur; & que vous faictes l'honneur à cest exposé de le releuer, l'adopter, & luy despartir ceste lumiere, de laquelle vos actions, vostre doctrine & vostre dignité esclattent si viuement, qu'au contraire de la statuë de Diane chez les Pelleniens, que l'on ne voyoit qu'en perdant le sens: l'on ne vous peut aborder qu'avec vn double honneur, de respect & d'admiration, ou bien ainsi qu'une image viuante de la vertu, qu'en rauissant nos vœux & nos affectiōs. Ouy, vos actions sont si releuees, avec tant de doctrine, de constance & de pieté, que comme le Nil seul entre les fleuues, n'hexale aucune vapeur, de mesme le vice, voire mesmes le soupçon du vice en estant esloigné, vous auez mis en doute si on vous doit plus imiter qu'admirer. Pour vostre doctrine, elle est à vn tel ascendant, que comme au plus haut de son Apogee, elle est l'enue des plus sçauāns, l'object des mieuX sensez, & le desespoir de tous. Doctrine non
seule

*seule & nuë, literale & oisive; mais active
 & Politique, & si riche des dons que le
 ciel luy a jointes, la richesse de l'antiquité
 luy a acquis la cognoissance de plusieurs &
 diuers voyages es Prouinces les plus loin-
 taines, confirmé: que comme rien ne luy est
 incogneu, aussi tout luy est facile, & mesmes
 aydé de ceste singuliere eloquence, qui ayât
 ces iours passez, tonné parmy les Lys, &
 estonné vostre barreau, charmant vos au-
 diteurs par ceste lotte, attachez par les au-
 reilles au miel que vostre langue distilloit,
 qui en fin ne cessèrent de vous ouyr, que
 pour ne cesser iamais de vous louer. Les
 Poëtes feignent que Mercure, bien qu'en-
 fant, auoir neantmoins vne cognoissance
 de toutes les sciences. Ce que la fable a faict
 mescroire en luy, la verité le tesmoigne en
 vous, par des preuues si signalees, qu'on vous
 a veu auoir atteint à la perfection, au tēps
 que les autres cōmençoient à y aspirer: &
 ceste dignité que vous honorez plus qu'elle
 ne vous honore, deuë depuis long temps à*

vos merites, qui preuenoyēt l'aage en vous, a esté plustost pour monstrier iusques où vous pouuez atteindre par ce degré, que pour recompenser dignement vostre vertu. Permettez doncques que vostre nom paroissant au frontispice de ce liure soit la terreur & l'effroy de l'enuie, si elle porte ses yeux louches sur ces fueilles, & qu'empruntāt quelque rayon de vostre gloire, il puisse esperer d'auoir accez chez les beaux esprits, honoré au prealable de vostre accueil: ainsi que vos merites croissans, donnent le surcroist à vos honneurs, ainsi vos honneurs puissent esgaller vos vertus, ainsi vos vertus seruent d'imitation à nostre aage, & au futur de merueille, d'appuy aux bons, de crainte aux meschans, de gloire aux vostres, & de matiere de loüange à tous. C'est ainsi que vous le souhaitez par longues années, & se vouë

Vostre tres-humble & tres-obeyssant
seruiteur,

ANTOINE COLIN, Maistre
Apoticaire Iuré,

AVANT



AVANT-PROPOS DE
ANTOINE COLIN, AVX APO-
TICAIRES DE FRANCE.



D'E s T à vous autres à bõ droict
(Messieurs mes Confreres) à
qui ie me plains de l'injure qui
est faicte de nostre temps au
Baulme, au fruiet d'iceluy, & à son bois, qui
sont trois drogues si excellentes, que les
Anciens les ont estimé des remedes di-
nins: mais non seulemēt mesmes le vulgai-
re, quand il veut parler d'un médicament
efficace, il l'appelle Baulme par excellence.
Aussi il ne se trouue rien en la Medecine de
si admirable, & la nature ne nous a com-
muniq̃ué médicament qui possède des fa-
cultez si releuees, le nombre en estant aussi
merueilleux que les effects, l'experience
ayant mille & mille fois faict preuue de ses
vertus en la guerison des playes & vlcères;
outre, ceste propriété alexitere qu'il posse-
de, seruant d'Antidote aux morsures des

Scorpions & Viperes , & resistant & dominant le venin des fiebres pestilentielle & malignes. C'est pourquoy il estoit le premier & principal ingredient des compositions dediees à la conseruation des corps, & iusques à aujourd'huy l'on appelle embaulment l'artifice que l'on apporte à preseruer de corruption les cadaures. Les autres drogues qui contribuēt de leur vertu à cest effect comprises sous le nom de ceste Ambrosie. Et comme il porte avec soy l'incorruptibilité , il est aussi amy de la beauté , esclaireissant merueilleusement le taint, le maintenant plus gay, plus beau , & plus coloré, & sur tout le conseruant, ieune par l'esloignement des rides de la face, l'inesgalité desquelles est racommodee si delicatement, que ce n'est pas sans occasion qu'il est tant recherché des Dames , qui s'en seruent heureusement , ayant esté autāt soigneuses de le rechercher & conseruer à leur necessité , que nous auons esté paresseux à sa reconuerte. Ainsi il est en tout & par tout vtile, & pour le dire en peu de mots : il est grandement profitable à la teste , aux poulmons, au foye, à la ratte, au mesentaire, aux reins, à la vescie, au ventre, à l'espine du dos, aux nerfs , & aussi à toutes les iointures.

res. Il esclairec la veuë trouble, la faissant recouurer entierement à ceux qui l'auront presque perduë. Il guerit les douleurs d'oreilles en dissipant leur tintoin: comme aussi les conuulsions, la courte haleine, la toux, la froideur des poulmons, & leur fluxions: il eschauffe & corrobore tellement l'estomach, que c'est vn tres assuré remede aux vents & cruditez qui sont engendrees par le refroidissement d'iceluy. Il desopile, & guerit l'une & l'autre iaunisse, il faict vriner, il rompt la pierre, il est particulierement affecté à la matrice, la deliurant des maux qui sont excitez par sa froideur: prouoquant les mois, accoise les suffocations, & qui mieux est, rend les femmes fecondes, qui estoient steriles, par les causes susdictes. Nō sans cause doncques (mēs Confreres) ie me plains à vous, de ce que nous-nous priuons d'un si riche thresor, & que maintenant qu'aux deux royales compositiōs le Theriaque & le Mithridat, nous auōs fait paroistre ce que peut enuers nous l'amour de nostre commune profession, les ayant dispensees si fidellement, que i'ose dire qu'il n'y a lieu du monde auquel l'on rapporte plus de soing & de diligence à les preparer: neātmoins quelles les pouuons-nous dire des-

pour

pourueuës de ceste principale drogue, l'ame & le principal agēt de leur faculté. Et il ne faut point dire puis qu'elle ne se trouue plus, que nous deuons recourir à quelque succedanee, qui remplissant sa place, esgalle ses facultez: car sans doute il est, il se recueille en quantité suffisante, nous l'auons tel que les anciens l'ont cogneu, & i'en ay fait voir qui correspondoit tellement aux descriptions veritables: que n'eust esté que la vieille erreur a eu plus de force sur quelques esprits, que les veritables nouveautez, i'eusse donné déslors au public, vn Theriaque, auquel rien n'eust deffailly, que le *Calamus odoratus*, auquel on substituë, vn successeur beaucoup plus conuenable, que l'on ne faict au Baulme. C'est vne des principales raisons qui m'a esmeu à faire voir aux François ce petit Dialogue de Prosper Alpin, Medecin tres-docte en la cognoissance des plantes, lequel en vn liure qu'il a fait intitulé *De plantis Aegypti*, conuainc fort bien d'erreur tous ceux qui nient, que le Baulme soit en la nature: Ce docte personnage, cōme tesmoing oculaire & irreprochable, introduit par forme de Dialogue deux Medecins avec luy, qui avec des vives raisons barent en ruine ceste vieille
igno


ignorance, n'est-ce pas vne faute non plus
 tollerable, de substituer en sa place l'huyle
 de muscade qui n'approche en rien, à la
 moindre des vertus attribuee à ce tant di-
 tin & excellent medicament, lequel nous
 prouuerons par cy apres avec des tres-soli-
 des raisons, tirees tant des anciens autheurs
 que des modernes, qui ont esté sur les lieux,
 se pouuoir recouurer: Si nous estions aussi
 curieux & diligens de les rechercher des
 Arabes, comme nous sommes trop faciles à
 luy subroger en sa place vne chose moin-
 dre de prix & de faculté. Et comme dit ce
 docte Bellon, de l'autorité duquel ie me
 fers, nous n'auõs garde de recouurer le *Ca-*
lamus odoratus, qui est vne drogue de laquel-
 le, nous sommes priuez, si nous ne le demã-
 dons, aux habitãs du pays d'où il vient, nõ
 plus que le Baulme; veu que quãd les Mar-
 chands nous le presenteroiẽt, nous dirions
 tousiours qu'il ne s'en trouue point. Donc-
 ques ne nous estonnons pas, si nostre The-
 riaque & Mitridat ñe respondent entiere-
 ment aux vertus & proprietéz que leurs in-
 uenteurs leur ont attribuees: & admirons
 plustost iusques où nous a porté nostre opi-
 niaistreté qui nous faiẽt des miserables Tan-
 tales dans l'abondance, de ce que nous re-
 cherchons

cerchons sans le vouloir auoir , & reiectons
 lors qu'il est en nostre puiffance: d'où vient
 que nos confectiions sont inferieures en
 proprieté à celles qui se font au Caire en
 Egypte, recommandees particulièrement
 pour le fruit , bois & suc du Baulme qui
 les annoblit, & leur fait tenir rang par sus
 les autres, leur vertu alexitaire, suiuant
 ces merueilleux ingrediens. Ce sont les vi-
 ues raisons irrefragables qui m'ont porté à
 ceste traduction, à celle fin qu'ayant reco-
 gneu la verité du Baulme, son eslection &
 la cognoissance, vous ne fassiez plus de dif-
 ficulté de l'admettre en vos compositions;
 & que vous ne croyez point que la na-
 ture & la terre sont non plus ma-
 rastres de nostre temps, qu'el-
 les estoient ancienne-
 ment. Adieu.

ELE

E L E G I E

SVR LA TRADVCTION ET
DISCOVRS DV BAVLME
de Monsieur Colin.

 à bon droict c'est ancien doubtoit si la science,
 Nous rendoit plus parfaicts:
 Puisque plus nous sçauons, & plus nostre ignorance
 Tesmoigne ses effects.
 Si la perfection ne vient d'ailleurs acquise,
 Hé! qu'est-ce que de nous?
 Plus nous la recherchons, & moins elle a de prise,
 Et nous eschappe à tous.
 Non ne nous flattons point, ce n'est que piperie,
 De nous feindre sçauans.
 Tout ce que nous sçauons, n'est qu'une mocquerie
 Qui abuse nos sens.
 Ce que l'on sçeut hier, aujourd'huy l'on en doute:
 Et ce qui fut doubteux
 Aux aages precedens, nostre siecle l'esoute,
 De ne le croire honteux.
 Il est vray que iadis il y eust de la gloire
 A paroistre sçauant.
 Et qu'au temple d'honneur, des doctes la memoire
 Se celebroit souuent.
 Mais le siecle de fer, qui roüille nos annees,
 Confondant le surplus,
 A veu dans ses malheurs ses festes terminees,
 Qui ne se choment plus.
 Ce peu de beaux esprits qui redorent nostre aage,
 Eclipsent leurs clartés,
 Et quittent le terroir infertile & sauuage,

De nos champs deserts.
 Pour la vraye science, on adore un idole,
 D'un aucugle debuoir.
 On suit l'opinion qui les ames affolle:
 Et penser, c'est sçauoir.
 L'opiniaistreté mere de l'ignorance,
 Rauage les esprits.
 La raison n'a plus lieu, le preingé l'auance,
 Et seul gaigne le prix.
 La verité contrainte à ceder au mensonge,
 Luy donne un faux brillant.
 Et l'erreur cependant, qui dans son puis nous plonge,
 Se glisse nonchalant.
 C'est luy qui en trompant d'une vaine croyance,
 Nos Peres cy deuant,
 Fist faillir leur debuoir, & trompant leur prudence,
 Ne les peust que de vent.
 Lors que persuadés que le Baulme & ses larmes
 N'estoit plus parmi nous,
 Leurs faciles esprits embrasserent ces charmes,
 De leur bien peu ialoux.
 Ils le creurent ainsi: depuis l'heureuse plante,
 Seul honneur du Lenant,
 Fust sterile pour eux, du tort impatiente,
 Quelle alloit receuant.
 Et deslors seulement pour ses voysins feconde,
 Elle voulut pleurer.
 Ne voulant des vertus, desquelles elle abonde,
 Nos pays bien-heurer.
 Depuis les facultez manques & imparfaites,
 De nos medicamens,
 Sans effect, sans pouuoir, & leurs vertus forfaites,
 Sont sans allegement.

En vain vous nous chantez trompeurs apoticares,
 Vos compositions.
 Vos remedes sont vains, & vos alexitaires
 Ne sont que fictions.
 Car puis que vous manquez de ce suc secourable,
 De son fruit, de son bois.
 Que vous est-il resté, qui chasse secourable,
 Les extremes abois.
 Cē que vous nous vendez pour Theriaque bonne,
 N'en a que le renom.
 Et le Roy son autheur, assez me cautionne
 Celle qui a son nom.
 L'ame de leurs vertus fust ceste plante sainte,
 Qui les viuifioit.
 Puis donc que vous croyez, qu'elle fut comme esteinte,
 Qui les ranimeroit.
 Mais non, vous vous trompez la nature s'offence,
 De vos opinions.
 Et vostre erreur combat, sans aucune apparence,
 Ses loix & ses raisons.
 Autant que l'univers les especes créées
 Iront se maintenant.
 Et leur fin ne sera qu'en la fin des annees,
 Tout deniendra neant.
 L'Egyptien iardin, possédé du barbare,
 Ceste perte demeni.
 Mais bien plus les forests que l'Arabie auare
 Soigne diligemment.
 Ceste perte est un songe, un ombre, une chimere
 Qui nous va decenant.
 Tantales vous souffrez la soif qui vous altere,
 L'eau vous estant devant.

Pendant que l'Orient, riche en vostre indigence,
 Possede ce butin.
 Prince au preingé, d'une honteuse ignorance,
 De ce thresor certain.
 Combien donc deormais auras tu de loüange,
 arrachant ces erreurs.
 Et faisant decouler despuis vn bord estrange]
 Jusques à nous ces liqueurs.
 La santé du public sera ta redenable,
 Et la guarentissant
 Par tes doctes escrits, ta memoire durable,
 Ira s'eternisant.
 Courage donc Colin, & ceint d'une couronne
 De ce tien arbrisseau,
 Faiçts paroistre l'ardeur qui au bien te spoïnçonne,
 Pour t'oster du tombeau.
 Desia par ton moyen l'Amerique à la France,
 A faiçt voir ses thresors.
 Et tout ce que le gange amasse en abondance,
 Dessus ses riches bors.
 Le françois empesché de voir le nouuean monde,
 Et ses medicaments.
 Soulage son desir par ta docte faconde,
 Et tes retracements.
 Ta plume est l'aïron, ton liure le nauire,
 Sa carte ton sçauoir:
 Et avec toy patron de sa course il admire,
 Ce que tu luy faiçts voir.
 Puis donc que cest par toy qu'il iouit ces richesses,
 Ne leur enuie l'heur.
 De retrouver par toy, ses premieres adresses,
 Conduit par ta sueur.

Redonne


Redonne luy le Nil, l'Égypte, l'Arabie,
 Le Baulme ramenant.
 Et faicts couler chez nous, ceste liqueur choisie,
 Du Leuant l'ornement.
 Ainsi puisse le Baulme, en prix de ton merite,
 T'ayant comblé de l'os.
 Preserver ton renom contre la mort despitée,
 L'en maintenant forclos.
 Tu dompteras l'enuie, & comme la vipere
 Treuve au Baulme sa mort,
 Elle ne pourra rien à ta memoire chere,
 Ny contre ton support.

I. P. B. D. M.

BBB 2



La Plante qui produit le Baulme.



DIALO



DIALOGVE DV

BAVLME DE PRO-
SPER ALPIN.



Il faut discourir de la plante qui produit le
Baulme, de son suc ou liqueur, de son
fruiet, & aussi de ses verges, ou pour
mieux dire, de son bois, qui de tous
temps ont esté en vsage en Medecine.

CHAP. I.

ENTREPARLEVR S.

ABDELA *Medecin d'Egypte*, ABDACHIN
Iuif, & ALPIN, *Medecin Italien.*

ABDELA.



VEL homme vois-je qui se pro-
meine par ce verger appellé Mate-
ree: il me semble en verité que c'est
Abdachin Medecin, fort honneste
homme (quoy que Iuif) & mon
grand amy: Il le faut doncques aborder, & le sa-
luër. Dieu vous gard, Abdachin, Que vous estes
entré dâs ce verger de bon matin: Quel bõ affaire

*Matereo
est vn
gräd iar
din esloi-
gné du
Caire en
viron de-
mi lieuës
lequel est
serré de*

BBB 3

*murail-
les.*

vous y conduit de si bonne heure ? *Abdachin.* Je suis fort ioyeux de vous auoir rencontré, il y a ja long temps que i'auois volonté de vous trouuer si à propos: La beauté de ce verger, la soüefue odeur des fleurs de Cassiers, & la fraischeur de la matinée, sont cause que ie me suis icy transporté pour me recréer.

Abdela. Pourquoy est-ce que vous estes si attentif à contempler de toutes parts les plantes de ce verger, & ne vous placez sous les larges rameaux de ce Figuier d'Egypte, à celle fin de plus commodément recréer vostre esprit & vostre corps.

Abdachin. I'estois à regarder deçà & delà, si ie verrois quelque plante de Baulme par l'odeur excellente de laquelle mes esprits animaux fussent recrées: I'entends que les gardes les ont laissé perdre par leur paresse, i'en porte vn grand regret: mesmes, qu'il semble aduis que ce verger en a beaucoup perdu de sa splendeur.

Albeda. Pour ceste occasion, ne vous tristez nullement, parce que plusieurs fois on les a veu depetir, incontinent apres on en a transporté d'autres d'ailleurs, & ont esté icy transplâtées derechef; ce qui peut estre aduiendra au plustost par le commandement du Bacha, comme cy deuant a esté fait. Mais quel homme vois-je venir à nous ? Serroit-ce Alpin Medecin du Consul Venitien ?

Abdachin. C'est luy-mesmes, allons le rencontrer: car c'est vn fort honnestre & gallant homme.

Abdela. D'où vient cela Alpin, que maintenant nous te trouuons icy ? Par plusieurs raisons ta venue nous est agreable.

Alpin. Je suis venu icy expres pour voir ce beau verger,

verger, ie vous suis redevable grandement de l'accueil gracieux que me faiçtes, outre ce ie me resjouys de vous auoir rencontré tous deux en ce lieu: il y a ja long temps que ie desirois auoir ce bon-heur, & non sans subject: car ie vous honnore de tout mon cœur, pour vos merites. Dauantage il n'est pas de besoin que ie vous louë pour vostre sçauoir en la Medecine, ny de combié ie vous suis redevable, pour auoir esté par vous enseigné en ceste science.

Abdela. Cela va bien, puis qu'il vous plaist ainsi, quoy qu'il en soit, nous desirons qu'il vous plaise nous faire cest honneur que de nous aymer.

Alpin. Je vous en remercie affectueusement: mais ie crains que mon importune arriuée, n'interrompe vos discours: toutesfois s'il vous plaisoit me gratifier, comme vous auez tousiours fait, de me permettre familiariser avec vous, i'en receurois vn indicible contentement.

Abdela. Nous sommes tres-contens de discourir avec vn homme si eloquent, comme vous estes: car nous sommes asseurez que nos propos seront encorés mieux espluchés & esclaircis par vostre doctrine.

Alpin. Je vous remercie: Dequoy est-ce donc que vous parliez sur mon arriuée.

Abdachin. Nous estions en propos d'une plante de Baulme, laquelle s'est desseichée & deperie en ce verger. Or la perte d'icelle m'ayant attristé, Abdela nostre amy fort exercé en la cognoissance des plantes, m'a tout resiouy, disant que autrefois on en auroit apporté en ce lieu bon nombre de la Mecque, & ce par plusieurs & diuerses fois, les-

La Mec- quelles y ont esté nourries & cultiuées, & par ce
que ville moyen d'année en année le plantes du Baulme re-
d'Arabie nouuellées, tellemēt qu'il faut esperer, que le gou-
heureuse, uerneur d'Egypte aduertie de la perte d'icelle, don-
d'où sont nera ordre incontinent à leur restauration.

les arbris *Alpin.* Qu'est-ce que i'entends? Ces plantes de
seaux du Baulme auoir esté icy d'ailleurs trāsportées, & par
Baulme. ce moyen perpetuellement renouuellées? Comme
 si l'Egypte n'estoit pas leur propre terroir. I'espere
 bien maintenant n'auoir point perdu mon temps
 d'estre entré sur le pourparler du Baulme ja encō-
 mēcé: duquel il y a long temps que i'ay desiré vous
 communiquer, moyennant que vous l'ayez pour
 agreable.

Abdela. Vous nous ferez vn grand plaisir si vous
 esmouuiez quelque dispute sur ce subiect: car d'i-
 celle nous esperons tirer vn grand profit, par le
 moyen de vostre sçauoir: A ceste occasion nous
 vous prions que si vous desirez apprēdre quelque
 chose de nous, de le proposer tout maintenant.

Alpin. Pour ceste occasion ie vous suis grande-
 ment redeuable, & par là ie recognois la sagesse &
 humanité des anciens Egyptiens. Et à celle fin que
 ie ne tire plus auant ce discours, ie desire disputer
 avec vous, de la plāte du Baulme, du Suc, du Fruict,
 & du Bois, d'autāt que iusques icy les diuerſes opi-
 nions des autheurs m'ont mis en des grandes dou-
 tes.

Abdachin. Ie ne pense point qu'entre les Egyptiēs
 & Arabes il y aye vn mieux versé en la cognois-
 sance des plantes qu'Abdela, tant de celles qui
 naissent en ce pays, qu'ailleurs: mais à celle fin que
 nous disputions plus clairement de cecy, il faut re-
 duire

duire par Chapitres les choses lesquelles nous deuons disputer. Parquoy mettez en jeu tout ce que vous desirez sçauoir.

Alpin. Premièrement ie desire sçauoir de vous, si le Baulme se trouue maintenant ailleurs qu'en ce vergier, dans lequel de toute ancienneté iusques à present, il a esté nourry, & quād il est depery en ce verger, & aussi sçauoir-mon si le Suc; le Fruict & le Bois, nous sont apportés en l'Europe: ou bien si le tout est pery avec l'arbre. C'est ce que ie desire sçauoir de vous preimierement, lesquelles choses verifiées, nous parlerons plus particulièrement de ce que dessus.

A sçauoir-mon si la plante du Baulme, son fruict, ses verges, ou son bois sont en la nature, & en quel lieu ils sont produicts.

CHAP. II.

A B D E L A.

C'Est vne chose tres veritable & certaine, qu'il ^{Lieux de} ^{l' Ara-} ^{bie.} prouient maintenāt en plusieurs lieux d'Arabie des arbres de Baulme, desquels on nous apporte le suc ou liqueur, les fruicts & le bois. Les Egyptiēs, les Syriens, les Turcs & plusieurs autres natiōs, fréquentans l'Arabie ne l'ignorent point: Qui mieux est, ils sçauent cōbien ceste natiō tire du reuenu du baulme, lors que tous les ans ils s'en vont en pelerinage à la Mecque & Medine, principales villes d'Arabie. Car ceux qui partent du Caire pour aller à la Mecque, trouuent apres auoir faict

Bredunie ville d'Arabie. quinze iournées de chemin vne ville par eux appelée Bredunie, pres de laquelle on voit vne grande montagne sablonneuse, toute réplie d'un nombre infiny d'arbrisseaux de Baulme, lesquels ils *Lieu où croist de soy le Baulme, sans la main de l'homme.* font accroire aux nostres estre là creuës par le miracle de Mahomet: Mais par quel moyen que ce soit, il nous suffit de dire que ceux qui vont tous les ans en pelerinage en ces lieux-là, assèurēt qu'il y en a vn grand nombre qui prouiennent en ce lieu: ce que l'on pourra sçauoir de plusieurs habitants du Caire, qui autrefois, & ceste année mesme ont estez en pelerinage en ces lieux.

Je vous pourrois persuader cecy tres-veritable, par plusieurs autres raisons. Mais vous diray-ie d'auantage, qu'encores qu'il y a pour le moins deux ou trois ans que les arbres du Baulme qui estoient dans ce verger là, se sont perdus par la negligence de ceux qui les auoyent en garde: si est-ce que l'endroit de la terre auquel ils estoient cultiuez & nourris, respire encores la souëfue odeur du Baulme.

Mais Abdachin, pourquoy n'en dites-vous rien, vous de qui ie suis certain que les auez veu mille fois en ce lieu? Mais bien, pourquoy est-ce que vous ne l'assèurez & confirmez comme chose veritable à moy Medecin Italien incredule?

Abdachin. Quoy donc? Ne voulez-vous pas adiouster foy à nostre compagnon, Medecin tres-expert en la cognoissance des plâtes, & qui a demeuré longues années au Caire? Quant à moy, certainement ie vous assèure auoir veu bon nombre de plantes de Baulme, auoir esté apportées d'Arabie en diuers temps, & auoir esté icy en la Materee
trans

transplantées, y auoir esté nourries & cultiuées, lesquelles aussi ont esté veües de plusieurs habitants du Caire.

Alpin. Je serois trop indiscret & inciuil si le témoignage des Medecins presens, lesquelles outre ce qu'ils sont bien versez en la cognoissance des plantes, & tels reputez entre les Egyptiens, & qui ont esté nourris en mesme pays que les plantes ne m'en asséuroyent. Mais si faut-il que ie vous aduouë franchement, qu'encores qu'avec des Medecins tres-expers comme vous, ie recognoisse cecy estre tres-certain; pas moins ceste verité ne me semble pas tellement estre aueree, que ie le puisse faire croire estre ainsi à plusieurs incredulés Medecins & Apoticares d'Italie & de l'Europe, qui asseurent qu'il ne se trouue aucune plâte de Baulme nulle part, & qu'elle est du tout perduë: de là vient qu'ils concluent que le suc ou liqueur, le fruit, les verges, ou le bois sont toutes choses supposées & falsifiées.

Or d'autant que Dioscoride & les autres Auteurs nous ont laissé par écrit qu'anciennement le Baulme se retrouuoit seulement en Egypte, & en Judée, maintenant qu'il n'y aye personne qui die qu'il s'en trouue en ces lieux; ils concluent qu'il ne s'en trouue en aucune part. Laquelle opinion ils maintiennent si opiniastrément, qu'il ne leur manque point de raisons & argumens pour deffendre leur erreur propre.

Abdela. Mais comment se peut-il faire? Tant de doctes Medecins, tant d'habiles hommes cognoissans de simples, estre tellement aueugles, de croire que la nature aye esté si marastre, qu'elle n'aye
 tousiours

Pour-
quoy la
commu-
ne opinio
porte
qu'il ne
se trouue
plus de
Baulme.

Erreur de Dioscoride & des autres Anciens. tousiours conseruee la plante du Baulme en son lieu natal: Quand à ce que Dioscoride & les autres ont creu l'Egypte, & la Iudee estre son lieu natal, ie le prouueray estre faux puis apres. Encores faut-il moins adiouster de foy à ces mauuais Philosophes, qui croient les especes des vegetaux se deperir si facilement, contre leur maxime, qui est qu'elles sont perpetuelles: qu'ainsi ne soit, le Ciel n'estant destitué d'aucunes causes qui seruent à la génération: la terre & les autres elemens estās en mesme constitution qu'ils estoient anciennement; pourquoy ne conclurons nous pas qu'elle produira maintenant les mesmes plantes qu'elle produisoit autresfois? Je te prie dis moy donc qui sont ceux qui croient entierement la plante du Baulme estre perduë, & avec quelles raisons ils veulent desfendre leur opinion si erronee.

Aymé Portugois & Nicolas Monard Medecin Espagnol conuaincus d'erreur. *Alpin.* Je crois qu'il vous importe fort peu de sçauoir le nom d'iceux, mais bien plustost d'entendre leurs raisons qui disent qu'aujourdhuy entre nous ne se trouue le suc, le fruiet & le bois du Baulme; cecy suffise, car encores s'en trouue il bon nombre qui non seulement disent qu'on ne nous en apporte point, mais encores assurent ils, que les arbres qui les produisent sont du tout deperis. En laquelle opinion ils ont esté confirmés par Aymé Portugois homme assez pertinent en autres choses, & Nicolas Monard Espagnol, lesquels affirment le Baulme de Iudee & d'Egypte, estre entierement perdu: & ont mis en ieu vn autre sorte de Baulme qui vient de l'Amerique, prouenant d'une autre sorte d'arbre, fort different au vray, duquel nous escriuons icy l'histoire.

Outre

Outre ce ils disent, le Baulme décrit par Dioscoride, Theophraste, Pline, & de plusieurs autres qui ont descrite l'Histoire des plantes, estre du tout perdu: Ils l'asseurent disant qu'il appert par les escripts mesmes des susdicts, que de toute antiquité il y en auoit en deux vergers tant seulement en Iudée; comme entre autres tesmoignent Pline & Theophraste: En apres la Iudée estant destruite par Ptolomée premier Roy d'Egypte, & aussi par Vespasian, Iustln, Strabon, Solin & Polythor assurent que le Baulme fut transplanté en la vallée de Iericho, & illec auoir esté nourry & cultiué.

Ils disent dauantage qu'Artaxerxes premier Roy des Perses; & incontinent apres les Romains du temps d'Adrian, ayants entierement ruinée ceste Region par guerre, que la plante du Baulme perit entierement. Finalement qu'on en auoit conseruées quelques vnes en Egypte, dedans ce verger, lesquelles y ont suruescu. Auquel lieu non seulement les Siecles passez: mais encores iusques à present, elles y ont esté nourries & conseruées. Mais maintenant par le tesmoignage de plusieurs qui ont voyagé par l'Egypte, il est tout notoire que la plante du Baulme se soit aussi desperie.

Laquelle estant icy morte de present, veu que & Dioscoride les autres disent qu'elle croist tant seulement en Indie & en Egypte, qui est celuy qui mettra en doute la vraye plante du Baulme ne se pouuoir trouuer en aucun lieu? De là il faudra colliger que le suc, le fruiet & les verges du Baulme qui nous sont apportez d'Egypte en l'Europe pour l'Opobalsamum, pour le Car-

pobalsa

pobalsamum, & le Xilobalsamum, ne sont nullement les vrayz & legitimes. A bon droit donc, dira-on qu'elles ne sont telles. De là est née la grande acariastrise & incredulité de plusieurs, qu'ils ont mieux aimé demeurer en leur erreur, & refuser les vrayz medicamens qui leur sont presentez, que de changer leur opinion.

Abdela. J'ay eu beaucoup de peine de me garder d'interrompre ton discours, m'ayant tellemēt animé contre ces gens-là, qui ne se veulent payer de raisons, ains appuyez de quelques opiniōs friuolles, disent, que toutes les plantes du Baulme sont perduës, inferans par là que le Baulme, fruiēt, & bois que nous auons, sont choses fausses & supposees, estāt tellement irrité de l'impudence d'iceux, que ie ne sçay en quel terme i'en suis: & à celle fin que ie ne differe dauantage à leur respondre, ie vous dis & redis, qu'il ne se peut dire que les arbrisseaux du Baulme soyent entierement perdus en Egypte, d'autant que souuent par le commandement du gouuerneur du Caire, plusieurs plantes ont esté apportées de l'Arabie heureuse, & ont esté transplantées en ce verger.

Maintenant il n'y a pas trois ans passés que par le cōmandement du Baccha, il en fut apporté quatre arbrisseaux de la Mecque, lesquelles ont esté en ce verger cultiuées & nourries: neantmoins apres auoir suruescu vne année, sont en fin mortes par la negligence de ceux à qui on les auoit commis en garde, lesquels fort facilement peuuēt estre derechef renouuellées.

C'est aussi vne chose bien certaine qu'il s'en trouue vn nombre infiny en plusieurs lieux d'Arabie

bie lesquelles y sont cultivez soigneusement pour les grands profits qu'ils en tirent : & certes ils s'y sont adonnés depuis qu'ils ont recogneu, que les Orientaux en estoient curieux, & qu'ils l'achetoient fort cherement ; ce que nous auons appris de plusieurs Arabes habitans du Cayre.

Si bien qu'allechez du profit, ils ont tirez plusieurs arbrisseaux des lieux sablonneux & montagneux, dedans leus vergers bien cultivez.

Voila pourquoy on y en voit bon nombre réplis *Les Arabes culti-
uent en
leurs ver-
gers le
Baulme,
allechez
du pro-
fit.* de Baulme soigneusement nourry. Toutesfois il n'est pas permis au peuple de le cultiver, sinon qu'à ceux qui l'ont en bail : car il est du domaine du Prince, ny mesmes on ne peut recueillir le suc, rameaux, fleurs & fructs, sans permission.

Il en aduient tout autât delà des arbres du Baulme, comme on en faict icy de la Cassé solutive. Car on dône la ferme de la Cassé à quelqu'un, qui est la cause qu'il n'est permis à autre de la cueillir, acheter, & ou l'ayant achetée, la debiter ou transporter ailleurs.

Ce qui s'observe de mesme pour le Baulme en Arabie, côme tesmoignent ceux du pays. Et bien, *il n'est
permis
qu'aux
fermiers
de ven-
dre le
Baulme.* qu'est-ce que diront ces herboristes ignorans, des plâtes d'Arabie & d'Egypte ? Sera-ce en deux lieux tant seulement, c'est à sçauoir en Egypte & Syrie : (ainsi le tesmoignoient anciennemēt Dioscoride, Theophraste, Plin & Iustin) que croistra le Baulme ? Comme s'il n'apparoissoit par les escrits des anciens Auteurs, que les plantes du Baulme ont esté produictes par la nature, en plusieurs autres lieux : Diodore Sicilien, ne dit-il pas au second liure des Histoires, que le Baulme croist tant seulement

Preune
par plu-
sieurs
Anciens
auteurs
comme le
Baulme
croissoit
autrefois
en Ara-
bie.
lement en certaine vallée d'Arabie, & non ail-
leurs: Constantin aussi au liure *De gradib.* dit qu'il
croist en Indie: Iosephe aussi au liure huiëtiesme
des Antiquitez Iudayques, dit que la Roynie de
Saba apporta vne plante de Baulme d'Arabie en
Iudee, & qu'elle la donna à Salomon, de laquelle
en ce lieu-là du depuis furent prouignées plu-
sieurs autres plantes: Strabon aussi dit au liure 16.
de sa Geographie: Ces gens sont voisins du pays
felice des Sabeens, c'est vne nation bien peuplée.
Il croist en leur pays l'Encens, la Myrrhe, le Cina-
mome; sur leurs limites aussi croist le Baulme, &
vne autre petite herbe odorante: Pausanie aussi en
son liure 9. la confirme par ces parolles: Quād est
de ce que l'on dit des Viperes qui frequentent en
Arabie entre les atbres du Baulme, i'en ay ouy
parler diuersement.

Il en est ainsi comme ie dis. Les arbres portans
le Baulme sont semblables en grandeur aux Myr-
thes Les fueilles ressemblent à la Marjolaine. Theo-
phraсте aussi assure qu'il s'en trouue en Asie. Les
Basiliens habitans du mont-Liban, du temps qu'A-
lexis estoit Empereur en Grece, en recueilloient
en vn certain lieu fort exposé au Soleil, de bon
nombre d'arbres, qui ont suruescu longuement,
aussi grande quantite comme on en a recueillly icy
en Egypte.

De tout ce que dessus il est tres-certain, que nō
seulement recueilloit-on du Baulme en Egypte &
Iudee: mais aussi en Arabie felice, & en autres
lieux. Ceste verité aussi peut estre recogneuë par
Dioscoride, lequel escrit le *Carpobalsamum*, c'est
à sçauoir le fruit du Baulme de son temps estre
falsifié,

faussifié, en y meslant des semences de Millepertuis, apportées de la Mecque, d'où vient que véritablement il faut conclurre, que la plâte du Baulme croist autre part qu'en Egypte, & qu'elle porte semence. Outre ce, vous sçaurez de moy qu'il est veritable qu'il n'a pas esté apporté en Egypte de Iudée, comme quelques vns ont songé: mais bien l'on l'apporte tousiours de l'Arabie heureuse: Mesmes que celuy d'Egypte, non plus que celuy de Iudée n'y creurent iamais naturellement, au cōtraire, que ç'a esté à eux vne plante estrangere, veu qu'on la nourrit ordinairement en des vergers bié cultiuez tant seulement, comme Theophraste, Pline, & Strabon escriuent. Pline par ces termes expresse l'asseure, disant: Le Baulme est preferé à toutes odeurs, n'y ayant que la Iudee qui le produisoit anciennement en deux iardins Royaux, l'un de 20. iournaux, l'autre de beaucoup moindre estenduë. Theophraste dit: Le Baulme croist en vne valée de Syrie: On dit qu'il y a deux parcs d'arbres, vn de vingt iournaux, & l'autre vn peu moindre: Strabon parlât du Baulme de la vallee de Ierico, dit en ces termes: Là est aussi ce verger Royal du Baulme, c'est vn arbrisseau qui est aromatique semblable au Cytisus & Therebinte: Comment? n'est-il pas veritable que tous d'un consentement disent que les plantes estrangeres sont nourries & conseruées en des vergers tant seulement.

Quelques vnes aussi sortans de leur lieu natal, iacoit qu'elles soyent quelquesfois conseruées en des vergers, encores voyons-nous des lieux incultes & fauuages en produire d'autres, lesquelles viennent d'elles mesmes: Mais les estrangeres

croissent tant seulement en des vergers cultiuez, avec vn grand soing & diligence; ce que nous ne voyons pas aduenir en des lieux incultes & sauvages.

Mais en ce lieu nous sommes asseurez que le Baulme a esté perpetuellement vne plante estrangere, & qu'on l'a tousiours apportée de l'Arabie heureuse; ce que pourront tesmoigner vnaniment plusieurs avec nous, qui demeurent au Caire pour le iourd'huy, lesquels asseurerot qu'ils ont veu apporter les plantes du Baulme de ce verger, lesquelles ont esté transportées en diuers temps. Elles y ont suruescu avec vn grand travail & diligence, ils certifient aussi lesdictes plantes s'estre facilement desperies par la moindre cause, lesquelles desseichées, l'on a restablies derechef apres en auoir tirées d'autres d'Arabie, & icy cultiuees; par ce moyen le Baulme a esté alternatiuement iusques à ce iourd'huy conserué en ce lieu.

Il ne se trouuera aucun qui puisse dire que les plantes conseruées dedans des vergers soient natales, veu que les natales, naissent & croissent par tout d'elle-mesmes: & que sans prendre la peine de les cultiuer, elles viennent en leur propre lieu. De cecy nous tirerons vne consequence tres-veritable, que le pays natal du Baulme n'a iamais esté l'Egypte & la Syrie; veu qu'il a esté necessaire de le cultiuer & conseruer en des vergers, avec vn grand soing & diligence: Ce qui toutesfois ne se peut dire de l'Arabie felice, veu que le Baulme perpetuellement y vient: car à la verité ie ne pense point qu'elle naisse ailleurs que là, pour le moins que ie sache,

*Arabie
felice
pays na-
tal du
Baulme
pour le
iourd'hui*

Laquelle

Laquelle par le tesmoignage de Diodore Sicilien, Strabon & Pausanie, cōme ja cy deuant nous l'auons dit, il appert auoir esté anciennement abondante & fertile en Baulme, encores aujourd'huy de mesme produit-elle vne grande quantité de plantes de Baulmes, lesquelles y croissent d'elles-mesmes sans estre cultiuées.

Ceste fertilité de Baulme, tous les Egyptiens, & autres nations, qui tous les ans vōt en la Mecque, ville de l'Arabie heureuse, affirment estre vraye. Qu'il se recueille tous les ans en ceste Region vne grande quantité de suc de baulme, ensemble de fruiçt & de verges ou bois (veu que tous les ans ils poient les arbrisseaux du baulme) lesquelles on enuoye en diuerses parties du monde.

Abdachin. Mais quand bien eux confesseroyent estre veritable tout ce que nous disons, neâtmoins ils diront que la plante qui a esté icy cultiuée de tous temps, & aussi celle qui viēt de l'Arabie heureuse, n'estre la plante du baulme, ains quelque autre sorte d'arbrisseau.

Alpin. On recognoistra cecy estre tres-veritable par les marques que les Anciens ont données au baulme. Car tous d'un commun consentement (comme i'espere que vous m'apprendrez plus distinctement) asseurent que la plāte du baulme est vn arbrisseau, non gueres grand, ayant des fueilles semblables à la Rhue, continuellement verdes; de laquelle si vous scarifiez l'escorce du tronc, il en sort premierement vne liqueur blanche semblable à d'huyle doux, d'une odeur excellente, fort subtile & aiguë.

Abdachin. Ie sçay bien que mille fois, & avec

vous, Abdela, auons veu en ce vergier cest arbrisseau lequel Alpin depeint, que si quelqu'un desiroit sçauoir les vrayes marques pour la cognoissance du Baulme, à quels hommes adioustera-il foy, ou aux Medecins Italiens, ou bien à nous autres Egyptiens qui auons esté nourris en ce lieu avec le Baulme, & qui auons veu souuēt en ce verger cest arbrisseau? A la verité il ne se trouuera personne si insensé, qui vueille plustost adiouster foy à vous autres qu'à nous. Quoy qu'il en soit, nous recognoissons ceste plante pour le vray arbrisseau du baulme descrit par les Anciens, & tous nos Medecins Arabes iusques icy le confessent constamment, encores est-ce vne chose inouye, qu'il y en aye aucune autre en nulle part, ny mesmes qu'il s'en puisse trouuer.

Outre ce, ie dis que ce nō de Balesan luy a esté donné par les nostres, duquel nom aussi il a esté appellé par les Grecs la lettre b changée en u; la disant βαλσαμον, de là vient que les Latins l'appellent *Balsamum*.

Pourquoy est-ce donc que nous croirons plustost aux Italiens pour ceste plante, qu'à ceux de nostre nation, veu que les Italiens & les Grecs ont mesmes appris des nostres le nom de la plante.

Qu'il ne
faut pré-
dire la co-
gnoissan-
ce du
Baulme
de Dios-
coride &
des An-
ciens: mais

Voila pourquoy ie ne iuge point qu'il faille tirer la cognoissance de ceste plante, de Dioscoride, de Theophraste, & des autres anciens Autheurs: mais trop mieux des Medecins Arabes, Egyptiens, & Iuifs, encores tous les autres Medecins Arabes qui vsent de ce langage Arabe, sans aucune difficulté, disent que cest arbrisseau prouient en des lieux cultiuez & non-cultiuez, en des lieux domestiques

tiques & sauvages, de l'Arabie heureuse, le rec^{des Me-}
 çoiuent comme le vray Baulme, se seruans du suc ^{decins}
 d'iceluy, de ses fruiçts, & de son bois en leurs me- ^{Arabes,}
 dicaments, sans que personne les mette en doute ^{Egyptiens}
 pour l'Opobalsamum, Carpobalsamum & Xillo- ^{& Iuifs.}
 balsamum: Pourquoy est-ce donc que les Italiens
 & les autres Medecins de diuerses nations, refu-
 sent de recognoistre le vray Baulme, & ne le veu-
 lent employer, comme font ceux qui les cognois-
 sent mieux qu'eux, tant par doctrine, qu'aussi par
 practique? A dire vray, c'est vn grãd forfait & vne
 grande meschanceté, que vous ne voulez pas ad-
 uouer la verité: mais qui pis est, vous empeschez
 tant que vous pouuez qu'elle ne puisse estre reco-
 gneuë de plusieurs.

Alpin. Je vous asseure que vous auez tres-docte-
 ment esclairci cest affaire, mais d'autant que nous
 auons à disputer avec des medecins & apoticares
 incredules, ie vo^s supplie s'il y a encores quelques
 argumens qui puissent dauantage esclaircir ceste ve-
 rité, ne vous desdaignez de le m'apprendre, à celle
 fin qu'estant de retour, Dieu aydant, en ma patrie,
 ie le puisse plus facilement persuader à ces incre-
 dules.

Abdela. L'annee de nostre salut mil cinq cens
 septante cinq, le magnifique Pierre Michel, estant
 icy Consul pour la Seigneurie de Venize, Euneuc- ^{Emnuc-}
 que Messir ainsi appellé, Gouverneur d'Egypte, ^{que Mes-}
 estant au Caire pour visiter diuers lieux de la ville, ^{sir Gou-}
 principalement ce lieu icy appellé la Matherée ^{uerneur}
 par deuotion (d'autant que en ceste petite maison ^{d'Egypte}
 prochaine, la vierge Marie avec son fils Iesus, ^{si appor-}
 fuyant l'ire d'Herode, se retira longues annees, cō- ^{ter de}
 quarante ^{l'Arabie}

arbrif-
seaux de
Baulme
pour les
transplā
ter au
verger de
la Ma-
serree.

Paul
Marian
consul
pour la
nation
Françoi-
se au
Caire.

me croyent tous les Ægyptiens, & pour ceste raison ils ont ce lieu en grande veneration) toutes les semaines, le vendredy dedié à la vierge, luy à ces fins visitant ce lieu saint, estant entré quelques fois en ce verger ou lardin de plaisir proche de ce lieu, vid que toutes les plantes de Baulme estoient mortes par la negligence de ceux qui en estoient gardiēs, voila pourquoy il cōmit la charge à vn certain capitaine des pelerins qui vōt tous les ans à la Mecque, par deuotiō qui eut charge d'en apporter 40. cestui-cy s'appelloit Haly Bei, avec lequel i'estois fort familier, & l'auois sountent visité & guerā lors qu'il estoit trauaillé du Calcul; lesdictes quarante plantes furent par luy apportees ausquelles on auoit couppé les verges ou rameaux, & furent transplantées en ce verger ordinaire, mēmes que cependant qu'on les transplantoit i'estois present, accompagné du sieur Paul Marian, de ce temps là Consul pour le Roy de France, auquel i'estois fort familier pour l'auoir autresfois traicté malade avec plusieurs autres medecins du Cayre, & autres plusieurs fort experts en la cognoissance des plantes. Ledit Haly Bei estant de retour au Cayre, me fit present de deux onces de vray Baulme, & du depuis encores vn autre qui fit despuis ce voyage m'en donna trois onces. En l'annee 1580. il y eut vn autre capitaine de Carauane des pelerins, qui s'en alla en la Mecque appellé Horrem Bei, mon grand amy, en la maison duquel i'auois esté appelé souuent, tant pour le traicter, qu'aussi pour d'autres de sa maison, lequel aux prieres que ie luy fis, m'apporta beaucoup de semence de Baulme, & des rameaux qui respiroiēt vne odeur excellēte, le

Seriph

Seriph de le Mecque luy ayant donné bonne quantité du vray Baulme, dont il en donna vn peu à François Prioli Consul pour la nation Venitiène, quelque peu aussi qu'il auoit achepté de ceux qui ont charge de le vendre au pays. Quelque tēps apres vn certain appellé Scāder Capitaine d'vne armée enuoyé a Medine ville d'Arabie heureuse par le Bassa, lequel m'estoit aussi bien familier que les autres, à cause que ie l'auois traicté malade, m'en uoya des recens rameaux, fruitcs, & fuc du Baulme, & m'assura par ses lettres escrites de sa main les auoir recueillis luy mesmes, lesquelles i'ay encores en ma puissance. Tous les susdicts Turcs personnes de noble condition asseurent vnanimement qu'aupres de la Mecque, & de Medine en des lieux montagneux, en des plaines, en des lieux cultiués & aussi incultiués, qu'il croist vn nombre infini de ces arbrisseaux de Baulme deux mesmes. Qu'il s'en trouue aussi bonne quantité en des lieux sablonneux lesquelles toutesfois ne produisent que bien peu ou point de Baulme: Encores portent ils beaucoup du fruit ou semence, laquelle on nous porte à vendre puis apres, comme seroyent celles qui se trouuent en vne môtagne sablonneuse pres d'vne bourgade appelée Bredunie.

Celles qui croissent en tel pays que cela ne portent aucun Baulme, mais ils les arrachent de là, pour les transplanter en des lieux gras, & taschent de les rendre fertiles. Encores disent les habitants du pays, que de toute memoire d'hommes, il y a eu quasi par tout vn nombre infini d'arbres portans le Baulme, qui naissoient naturellement & d'eux mesmes, lesquels y ont tousiours vescu

Que les Arabes cultiuent plus soigneusement le Baulme qu'ils ne faisoient allechez du profit. de siecle en siecle, & que iamais le pays n'a esté sans ses arbrisseaux, que toutefois il n'y a pas long tēps que plusieurs en Syrie & Egypte, ont commencé à les cultiuer soigneusement, pour le profit qu'ils en tirent, veu que les peuples d'Orient informés des vertus excellentes du Baulme, ont esté curieux depuis peu de temps d'en recouurer. Les Arabes disent dauantage, qu'ils se seruent en la composition de leurs medicaments du Baulme, du fruit, & du bois, & que ce sont les mesmes desquels les Egyptiens, & Syriens se seruent en medecine, encores que vous autres en Europe les mesprisiez, & teniez estre fausses, & ce par vostre autorité mesmes qui estes Medecin,

Alpin. De tout ce que vous venez de dire maintenant lequel ie crois estre veritable, veu que i'ay esté tant d'années en ceste erreur, i'en suis fort honteux, & confesse franchement que i'ay tort, & que par vous i'ay esté releué de ceste incredulité. Ie desire aussi que vous depeigniez ceste plante par ses propres marques, de quelle hauteur elle est, quelles sont ses fleurs, comme sont ses fruits, en quelle sorte aussi distille le baulme; si cela se fait par art, cōme porte la commune opinion, ou bien s'il distille de soy-mesme.

Abdachin. Ie n'ay pas veu que le baulme aye porté en ce lieu des fleurs, & des fruits, encores que i'aye veu quelquefois sortir du baulme de l'escorce du pied de l'arbre excarifié Mais parlons de cecy à Abdela, lequel nous l'enseignera asseurement, & plusieurs autres choses si nous les desirons de luy.

Cependant ie voudrois bien qu'il vous pleust
com

cōmander à vostre seruiteur, qu'il nous apporte le vray pourtraict de la plante du Baulme qui est à la maisō, à celle fin que nostre bō amy Alpin le voye.

Abdela. Tu dis fort bien, ie le feray volontiers.

Alpin. Quant à moy, ie vous en sçauray gré à tous deux toute ma vie.

La description de la plante appelée par les anciens Medecins Arabes Balesan, par les Grecs Βάλσαμον, par les Latins aussi estoit appelée Balsamum.

La description du Baulme & de son fruiet.

CHAP. III.

LE Baulme est vn arbrisseau lequel croist de la ^{Vraye de} hauteur du Cytyfus, ou bien du Troësne, ayāt ^{scription} fort peu de fueilles, fort semblables à la Rhuë, ^{do l'ar-} non toutesfois si blanches comme dit Dioscoride: ^{brisseau} mais pluſtoſt d'une couleur verte blancheastre, & ^{qui porte} continuellement verdoyantes. Son bois est gom- ^{le Baul-} meux, & semble estre vny, d'une couleur rougea- ^{me.} stre par dehors, ses petits rameaux d'une couleur ^{Les fleurs} rouge fort haute, longs, droicts & gresles, remplis ^{de l'ar-} de plusieurs fueilles sans ordre, elles sont adheran- ^{brisseau} tes à l'aïſle du rameau trois à trois, cinq à cinq, sept ^{du Baul} à sept, reſſemblans aucunement aux fueilles de lē- ^{me blan-} tiſque, les rameaux sont odoriferans, gommeux, ^{ches.} & quand on les manie, ils adherent aux doigts. Il porte des petites fleurs blanches, fort approchāts à celles d'Acatia, trois tant ſeulement ſuspenduës en chaſque aïſle, preſques de la forme d'ymbelle, ^{Descri-} d'une ſouëfue odeur, deſquelles prouiennent les ^{ption des} ſemences ou fruiets iaunaſtres, contenuës dedans ^{Carpo-} ^{balsamū.}

des petites gouffes noires , rougeastres , fort odorantes, ayans au dedās vne humeur iaunaistre, semblable à du miel , d'un goust vn peu amer , & vn peu acre, picquant la langue, ayant l'odeur au cunement du Baulme , fort semblables au fruit du Therebinte , tant de figure que de grosseur, poinctuës aux deux bouts , & vn peu grossettes au milieu.

Constantin l'Africain. A ceste description conuient fort bien ce qu'en a dit Constantin l'Africain, laquelle on voit en ces propres termes, en son liure *De gradib*. Le Baulme est vn arbre qui croist aux Indes , lequel sort hors de terre vne brassée ou vn peu plus.

Les rameaux duquel sont rougeastres & verds, ils sont desliez comme ceux du Tytymale, ayans vne couleur verde, faisans en leur sommité comme des petits bourgeons , produisans des petits grains comme poiure.

En quel temps se tire le Baulme, & en quel le maniere. Des fentes des rameaux de cest arbre , sort vne certaine liqueur aux iours Caniculaires , comme faict le lait du Tytimale. Le Baulme est tiré aux mois de Iuin, Iuillet, & Aoust, en partie de soy mesme , en partie aussi le tronc de l'arbre estant excarifié avec le fer, il distille dedans des vases de verre: Lequel incontinent apres estre sorty, i'entends qu'il est d'une couleur blanche, qui quelque temps apres deuient verdaistre; en troisieme lieu , deuient d'une couleur dorée , & finalement est changé en couleur de miel.

Outre ce , la substance de ceste liqueur au commencement est trouble & crasse, comme l'huile fraichement exprimé des oliues , puis apres elle deuient de deslié substance & fort claire, finalement elle

elle deuient d'une consistance crasse & espoisse, comme du Therebinte, d'une excellente odeur au commencement, & fort subtile, il semble au The- *Sen este-
tion.* rebinte, avec une souëfue & fragrante odeur, d'une saueur amere, acre, & adstringente.

Il est fort leger sur les premiers iours, & d'une si valide & aiguë odeur, qu'à quelques uns il faict aiguer du nez pour l'auoir odoré, & à cause de sa grande subtilité & legereté, instillé dedans l'eau, il ne va pas au fonds: mais ayant esté ietté d'un peu haut dedans, il s'enfonce un peu dedans, & se melle par dedans, & si soudainement se dissout en icelle, que malaisement le peut-on separer de l'eau, dans laquelle peu de temps apres, il se congrege & coagule, étant coagulé, on le peut tout retirer & rassembler avec un petit festu, & le sortir de l'eau; deslors il deuient d'une couleur blanche comme lait.

Tant plus ceste liqueur est vieille, tant moins *Le Baul-
me perd
s^a odeur
par vieill
less.* d'odeur elle a, & plus tardieue à se mouuoir. Dès le commencement elle est d'une couleur blanche, laquelle couleur en peu de iours deuient verte, comme j'ay dit cy deuant, & deuient de la consistance de l'huile, laquelle couleur s'espure & s'esclaircit par succession de temps, quelques années apres aussi il deuient d'une couleur fort subtile & claire, changeant sa couleur verte, en une iaune resplendissante. Mais le Baulme estât deuenu vieil, il deuient aussi espoix que la Therebentine; que si on le met dedans l'eau, ou dedans le lait, il se retire du fonds, avec une grande difficulté, & non sans un long espace de temps, il remonte au dessus, & aussi tardiuement se dissout-il en icelle.

Voilà

Le Baulme est distingué par quatre aages, cōme me les animaux. Voila pourquoy on peut dire qu'il a quatre aages comme les animaux, par lesquels ils sont distingués euidemment: ainsi donne-on quatre aages à l'Opobalsamum.

D'autant que dès aussi tost sorty de la plâte iufques à cinq ans, il est d'une singuliere & grande odeur, & iufques alors, il est de si subtile & legere substance, qu'estans distillé dedans l'eau, il demeure peu ou point dedans, & fort facilement se dissout, d'autant que sa chaleur demeurant longuement en luy durant son enfance, luy red vne acuité & vehemence.

Enfance du Baulme. Aussi le void-on d'une substance fort crasse & trouble, à cause q̃ la chaleur qui est en luy est fort, agitée, de mesme qu'une vrine trouble aux fieures pestilentiellles: & tout ainsi comme les corps des petits enfans, sont remplis de beaucoup d'humidité, & aussi de beaucoup de chaleur, sont aussi fort replets; De mesme le Baulme estant en son enfance, à cause de sa grande humidité excrementieuse, avec vne forte chaleur qui domine en luy, se montre crasse & trouble, ce qui aduient tout autrement lors qu'il est aduancé en plus grand aage: car il se purge & deuient plus clair, d'une couleur dorée, plus tenuë & subtile; auquel estat, il est conserué par la consistance de son aage: quelque temps apres sa chaleur naturelle estant aucunement resoluë & diminuée: deuenant vieil, il est espoix cōme Therebentine, alors il perd sa grande & singuliere odeur accoustumée, & aussi la tenuité de substance: qui est la cause qu'il ne nage aucunement sur l'eau, ny mesmes il n'a pas l'odeur si excellente.

C'est

C'est assez parlé de la plante du Baulme, du fruit, & du bois d'iceluy.

Alpin. Je vous prie, mais qu'il ne vous desplaise, de me respôdre & satisfaire à quelques obiections lesquelles sont proposees par ceux des nostres, qui semblent repugner à la description de la plante du Baulme, d'autant qu'elles obscurcissent aucunement la verité cogneuë de ceste plante, & la rendent aucunement douteuse. Qu'ainsi ne soit, tous les anciens autheurs qui ont descrit ceste plante, semblent estre differens entre eux sur la description du Baulme, du fruit d'iceluy, & aussi du bois, si que, il n'est trop à propos de rechercher par leur dire la cognoissance d'iceux. Ce sont esté les plus fortes railons, desquelles ils ont esté enseignés par tradition, que le Baulme, le fruit, & les verges qui leur sont presentees, sont choses fausses, & supposées.

Abdela. J'ay tousiours esté en ceste opinion que c'estoit vne grande erreur d'appredre la Cognoissance du suc, du fruit, & de cest arbrisseau, de Dioscoride, de Theophraste & des autres anciens Autheurs, d'autant qu'estant variables en la description d'iceux, cest vn argument tres-certian de leur ignorance. Quand à moy ie crois que peut estre aucun deux n'a bien diligemment veu & considéré ceste plante, ains que tout ce qu'ils en ont escript n'est que par ouyr dire. Car il n'estoit si facile anciennement d'aborder les lieux où naissoit ceste plante, à cause des longues, & difficiles navigations du temps passé: c'est la cause pourquoy Dioscoride, Theophraste, & plusieurs autres, en ont plustost escript par la relation d'autrui, que

La description differente des anciens fait que la cognoissance du Baulme est douteuse, voir la pourquoy il la faut apprendre des modernes qui l'ont venue.

Dioscoride & Theophraste ont esté variables en la description du Baulme. Les navigations des anciens estoient plus

*longues
& diffici-
les que
mainte-
nant.*

*Erreur
de Theo-
phraſte,
& de
Dioſco-
ride.*

*La co-
gnoiſſan-
ce du
Baulme
doit eſtre
appriſe
de ceux
qui ſont
du pays
où il
croiſt.*

pour l'auoir veu. Il ne ſe faut pas donc eſtonner ſi pluſieurs des noſtres adherans à leurs relatiōs ont eſté trōpez: n'eſt il pas vray que Dioſcoride Theophraste & les autres qui diſent que la plante du Baulme, à eſté produite en l'Ægypte, & en la Iudee tant ſeulement comme en ſon pays natal, ont erré grandement, veu que cy deuant nous auons prouué par la relation des Ægyptiens, que de certain, perpetuellement elle a eſté apportée de l'Arabie felice en Ægypte? Il faut inferer de ce que deſſus, qu'ils peuuent bien auoir eſté deceus en autre choſe, principalement en la cognoiſſance du Baulme, du fruit, & des verges ou bois. De là eſt aduenü qu'il ne ſe faut eſmeruëiller, ſi tous les medecins & apoticaireſ ſe conſians entierement à ceux qui ont eſcript l'hiſtoire des plantes ont erré, d'autant que ce n'eſt pas d'eux qu'il le faut apprendre, à cauſe que comme i'ay dict la cognoiſſance doit eſtre appriſe non pas d'eux, mais bien des Ægyptiens & Arabes, qui ont eſté les premiers qui l'ont cogneu, & veu meſmes qu'ils ſont nés & habitās au meſme terroir, où la plante croiſt d'elle meſme. Mais ie vous prie faiçtes que nous ſçachions de vous ce qui faiçt contre nous.

Alpin. Ie vous diray maintenant, ce qui a eſté dict de l'arbre du Baulme par les Anciens: mais ce qui reſte du ſuc, du fruit, & des verges ou bois, qui ſont en vſage de medecine, nous en parlerons cy apres. L'on a eſcrit beaucoup de choſes diuerſes de la grandeur de ceſt arbriffeau, de ſa figure, du lieu natal, & de ſes feuilles, ce qui obſcurcit grandement la verité, rend les hommes incertains, & fait que la choſe eſt entierement douteuſe, & de
fait

faict quelques vns accompagnent la grandeur d'ice-
 luy au Lycium ou au Cytisus, & aussi au There-
 binte: comme Dioscoride & Strabon on dict. Theo-
 phraſte dict que la grandeur de l'arbre reſſemble *Dioscori*
 au Grenadier. Iuſtin a dict qu'il eſt ſemblable au *de.*
 Pin: Pauſanias dict, qu'il reſſemble au Myrte. Pli- *Strabon.*
 ne, Solin, & auſſi celuy qui a deſcrite l'Afrique, *Theo-*
 ont comparé c'eſt arbriffeau à la fouche qui porte *phraſte.*
 le vin. Des feuilles auſſi il ny a pas moindre diffi- *Iuſtin.*
 culté entre eux, comme il y a diuerſité en la figure *Solin.*
 & grandeur de l'arbre. Quand Dioscoride, Theo- *Pl. ne.*
 phraſte, Pline, Auicenne, & Simeon Sethus, ont *Auicene.*
 dit que les feuilles du Baulme reſſembloyent à la *Simeon.*
 feuille de Rhue, & Pauſanie à la Marjolaine, Iu- *Sethus.*
 ſtin aux Pins, Solin & celuy qui a deſcrit l'Afrique, *Pauſa-*
 diſent qu'elles reſſemblét aux fueilles de la vigne, *nie.*
 de la forme ou figure de l'arbre, aucuns le font ſé-
 blable à vn arbriffeau, les autres à vn ſoubsarbris-
 ſeau. Pline en parlât dit: ceſte plante en toute ſorte
 eſt d'une autre nature que les noſtres, & les eſtran-
 gers l'ont deſpeint, d'autât qu'elle reſſemble mieux
 à la fouche de la vigne, qu'au Myrte: l'on remar-
 que auſſi que Solin en dict tout autant, en ces ter-
 mes: Iuſtin auſſi: tellement qu'on diſtingue l'arbre
 portant le Baulme d'avec le Palmier, d'autant qu'il
 reſſemble au Pin, & Strabon: C'eſt vne plante qui *Strabon.*
 reſſemble à vn arbriffeau appelé Therebinte, ou
 bien au Cytisus. Quelques vns auſſi aſſeurent que
 ceſte plante eſt nourrie de l'eau qui prouient d'une
 fontaine, laquelle à ſa ſource voiſine d'une mai-
 ſonnette proche d'icy, encores dict-on que cela ſe
 fait par miracle, d'autant que la vierge Marie de- *Maiſon-*
 meura en icelle longues années, ayant vſé de ceſte *netta où*
 eau

*demoura en Egy-
pte la
vierge
Marie a-
uec son
Fils Je-
sus : en
grâce ve-
neration
par les E-
gyptiens,
Arabes,
& Ma-
hometāns.*

eau en son boire, & en son manger, qu'aussi pour lauer les drapeaux de nostre Sauueur Iesus Christ: de là vient que les femmes Égyptiennes & d'Arabie, aussi bien que les Mahometans, l'ont en grande veneration, si bien qu'elles en vsent confidémēt pour la guerison de plusieurs maladies.

C'est la cause que plusieurs viennent de pays loingtains, iusques là, à celle fin de boire d'icelle: Voilà pourquoy quelques vns tiennent que le Baulme à suruescu en ce lieu, par la vertu de ceste eau. C'est tout ce que disent les susdicts de cest arbre.

*La plus
haute
plante de
Baulme
transplā-
ue hors
de son na-
tal, n'est
plus hau-
te que de
trois cou-
dees.*

Abdela. Tout ce que vous venez de dire touchāt la hauteur de l'arbrisseau du Baulme, ne semble point obscurcir ceste verité: car Dioscoride & les autres qui ont dict que ceste plante est de la hauteur du Lycium, du Cytisus, & du Therebinte, ils n'errent point, veu que tous ces arbrisseaux ne different gueres l'un de l'autre de grandeur: car la plante du Baulme n'est pas plus haute qu'iceux; mais nous ne voyons point icy des plātes de Baulme, si hautes que les susnommez, si bien que les plus hautes que j'aye veu, ne le sont plus que de trois coudées.

J'entends neātmoins qu'elles croissēt en Arabie de la hauteur des arbres susdits, & encores plus hauts. En Egypte & en Arabie les Grenadiers sont petits, tellemēt qu'on les met là au rāg des arbrisseaux, & ne croissent point si hauts que les Grenadiers en Italie. Voila pourquoy on ne peut reprendre Theophraste, pour auoir dit qu'il estoit de la hauteur d'un haut Grenadier, veu que les nostres d'Arabie sont plus petits & plus bas que ceux

ceux d'Italie. Quāt à ce que Iustin dit qu'il ressem-^{font plus}
 ble au Pin, il appert qu'il a esté trôpé grandement,^{petits que}
 cela se recognoist euidēment par les parolles mes-^{ceux d'I-}
 mes que manifestement il erre; Car il dit que l'ar-^{talie.}
 bre est semblable au Pin, & puis il est poié & cul-
 tiué de mesme façon que les vignes : qui est celuy
 toutesfois qui aye veu en aucune part des Pins
 semblables à la vigne, & qu'ils soyent cultiuez de
 la sorte? Entre lesquels, quelle différence il y a ? il
 n'est pas temps d'en parler maintenant.

Or ne faut-il point douter que la plante du
 Baulme ne iecte force reiectons, & qu'elle ne soit
 semblable à la vigne, & qu'il ne la faille poiuer
 tous les ans comme les vignes: car elle iecte quan-
 tité de sarmens, ny elle ne ressemble pas le Baulme
 des fueilles, veu qu'elles sont semblables plustost
 à celles de la Rhuë, principalement les trois der-
 nieres fueilles qui se voient en chasque aïsse, d'au-
 tant qu'elles ressemblent assez trois petites fueil-
 les posées en l'extremité de l'aïsse de la Rhuë: biē
 est-il vray qu'elles ne sont pas de la couleur: en-
 cores n'est-il hors de propos ce que Pausanie a dit,
 que les fueilles ressemblent à la Marjolaine, parce
 que ie pense que la plante du Baulme qu'il auoit
 veu, n'auoit encores attainit sa parfaicte grandeur:
 mais tant seulement fraichement sortie de se-
 mence: car de cest aage la figure, les fueilles, la
 hauteur de la plante sont du tout semblables à
 celles de la Marjolaine, excepté de la grosseur &
 de la couleur, en quoy elles different à celles du
 Baulme: car en la Marjolaine elles sont plus gres-
 les, & plus blancheastres.

Le Baulme qui sort de semence, premierement

DDD

*De quel-
le forme
est la pla-
te du
Baulme
qui viue
de semē-
ce.*

a deux feuilles fort sēblables aux deux premieres
feuilles de la vigne qui sortent , mais,celles qui
sortent apres cecy qui sont trois, quatre , ou cinq,
sont fort aprochātes aux feuilles de mariolaine;Or
celles qui sortēt en troisieme lieu,elles sortēt trois
à trois , & alors sont fort semblables à celles de

Rhuē. Te redis encores ce que deuāt:les premieres
feuilles qui sortent sont deux, celles qui sortent en
second lieu sont du tout diffentes aux premieres,&
sortent sans ordre au sarment: celles qui viennent
en troisieme ranc sont trois suspendues en chas-
que aisse, lesquelles ressemblent fort à la Rhuē,ce
sont comme ie dis trois plus petites feuilles,
qui sont attachées à l'extremité , delaisſées fort en
veué & d'une couleur fort viue. En quatriesme rāc
celles qui naissent en la verge du Baulme sont cinq
en nombre ; & en apres sept. Voila donc comme
sont les feuilles du Baulme,lesquelles nous auons
souuent veu dedās ce verger,qui neantmoins sem-

blent estre depeintes d'autre façon que les anciens
ne les ont descrites , ce sera dōcques a bon droict
que nous soubçonnerons que Dioscoride ny les
autres anciens n'ont veu la plante viuāte du Baul-
me. Encores est il trescertain qu'elle a esté nour-
rie en ce verger,arrousee de l'eau de la prochaine
fontaine , en laquelle la vierge Marie l'aua perpe-
tuellement les drapeaux de nostre Seigneur Iesus
Christ:si est ce pourtant qu'il s'en trouue en Ara-
bie en des lieux sablōneux & fort secs,qui neant-
moins ne produisent point de Baulme. Il suffira
doncques de ce que nous auons dit iusques icy de
la plante du Baulme : maintenant il nous faut dis-
puter de l'Opobalsamū, en attendāt nous contem-
plerons

plerons diligemment les rameaux du Baulme lesquels vostre seruiteur m'a aporté.

*D'où se peut tirer la vraye cognoissance du Baulme & qui
sont ceux qui entre les anciens ont descrit au
vray la liqueur du Baulme.*


CHAP. IIII.

A B D E L A.

Que direz vous Alpin, de la plante du Balme: n'en auons nous pas faicte vne exacte description & comme la verité le requiert, de ses feuilles, de sa fleur, de ses fruiçts, & de ses verges ou sarmens, ne te semble il pas veritable ce que nous en auons dict?

Alpin. Je vous asseure que vous en auez discouru pertinément & avec la verité, mais il reste encores quelque chose à dire de la liqueur du Baulme, du fruiçt, & des sarmens, veu que les anciens qui ont escrit de ceste plante, ne semblent pas estre d'accord, laquelle diuersité comme il a esté cy deuant dict de l'arbre, a esté la cause pourquoy plusieurs ont denié tous les medicamens qui leur ont esté presentez pour l'Opobalsimum, Carpobalsamum, Xylobalsamum, disans pour toutes raisons, qu'on ne nous apporte point du vray Baulme, duquel ie pretens que nous discourions maintenant, puis nous parlerons des autres. Disons doncques que le vray Baulme ne nous est point apporté: de cela ie ne m'en estône point, veu que le Baulme que vous auez descrit, & lequel nous

La Plante qui produict le Baulme.



auons

auons veu, semble estre different à celuy descrit par les anciens: premierement le plus grand nombre d'iceux assure qu'il doit estre blanc: Strabon dit: ayant excarifié son escorce ils reçoient dedans des vases vn suc ou bien vne liqueur semblable à vn lait gluant & espois: Pline dict: il sort de l'incision vn suc qu'ils appellent Opobalsamum, d'une souëfue & singuliere odeur; mais il distille lentement goutte à goutte dedans de la laine, est recueilli dedas vne petite Corne, de là mis dedans vn vaisseau de terre neuf, semblable à vn huile espois & au moust blanc. Simeon Sethus, personnage preferable à quel qui soit qui aye escrit l'histoire du Baulme: Il distilloit de là vn suc semblable à tout autre huile, lequel pour ceste cause est appelé huile de Baulme, iceluy recueilli dedas des petites burettes, ce qui surnageoit au dessus estoit blanc & fort subtil, & pour ceste raison plus exquis: Il y en a d'autre qui disent qu'il n'est pas tenuë ny de subtile substance: mais espois & gluant, comme sont ceux qui disent qu'estant receu dedans des coquilles, qu'il s'y coagule: Comme ainsi soit donc, que celuy lequel vous nous auez dépeint, & lequel nous mesmes auons veu souuent, est d'une couleur verte, ou d'une couleur dorée, ou bien de celle du miel, quelquefois aussi il est trouble, quelquefois il est clair & subtil, on le voit aussi espois comme Terrebentine (car il n'y a persône de nous qui ne l'aye veu diuersifié en toutes ces couleurs, c'est à sçauoir d'une couleur huyleuse, verdastre, d'une couleur iaune dorée, de couleur de miel clair, trouble, & epaisse) il ne faut donc s'esmerveiller si nous le

*Opinions
de Strabon pour
la couleur
leur que
doit auoir le
Baulme.
Pline.*

*Simeon
Sethus.*

*Couleur
laquelle
doit auoir le
Baulme
selon la
dire de
tesmoins
oculaires.*

doutons,& ne le tenons pour le vray Baulme.

Abdachin. Nous serons deliurez fort facilement de ce doute par Abdela. Principalement à cause que l'esclaircissement de ceste ambiguité depend de ce que par cy deuant il a dit, que l'Opobalsamum varie de couleur suyuant la diuersité de son aage, comme aussi en sa substance, transparence, odeur & subtilité, qu'aussi tost qu'il est sorty de la plante, qu'il est de couleur blâche, principalement celuy qui furnage au dessus, comme aussi celuy est moins blanc qui va au dessous, laquelle couleur en peu de temps se trāsmuë en vne verdastre oleagineuse, lequel aussi passé cinq ans, comme nous auons dit cy deuant, vient d'une couleur dorée, finalement estant deuenu vieil, il deuiet espois, acquiert vne couleur de miel, vn peu plus obscure: toutesfois il suffira que l'on soit aduertty que tant de mutations se font en sa transparence, en sa substance, en son odeur, & sa legereté & subtilité, par la diuersité de son aage comme il a esté desia dit d'autant que l'Opobalsamum fraichement tiré, demeure trouble l'espace de cinq ans, depuis lequel temps, il commence à s'esclaircir, iusques à dix ans il demeure presque fortclair, & a vne couleur dorée resplandissante: finalement deuenant vieil, derechef il reprend sa couleur trouble. Car incontinent tiré de sa souche, il est d'une substance fort tenuë & subtile, peu de temps apres, il s'espoissit vn peu. De là est que Strabon dit, qu'estant recueilly dedans des Coquilles, il se coagule & espoissit dauantage, les cinq ans expirés, qui est le temps de son enfance, il s'esclaircit, & faict residēce au fonds du vase, & deuiet fort purifié, & tout autant

Le Baulme diuers en sa couleur suiuant son aage.

Sa couleur quand il est nouveau. De quel le couleur il est quand il a cinq ans.

autant d'années redoublées, il deuient plus espois,
& tant plus vieil il deuient, & tant plus est-il craf-
se.

L'odeur & la saueur au recent est plus valide, au
milieu de son aage, son odeur est plus suaue, ayant *saueur*
de celle de l'Encens & du Therebinte, toutesfois *du Baul-*
auec vne meilleur & plus souëfue odeur : sa sa- *me.*
ueur est amere, vn peu acre, & adstringente.

Finalemant deuenant vieil, toutes ses qualitez
sont beaucoup moindres. De là vient que comme
i'estime Pline a esté trompé, qui pense que la lar-
me de ce suc quand il est bon, estant frottée, rend
vne bône odeur : Qu'ainsi ne soit, l'Opobalsamum
estant vieil, a tellement perdu son odeur, qu'a-
lors en le frottant on ne la recognoist.

Au commencement aussi le Baulme est fort le- *Le Baul-*
ger, lequel auec grande difficulté estant iecté de- *me est*
dans l'eau, ou quelque autre liqueur va au fonds: *fort leger*
mais continuellement est porté en sa superficie, *& aise-*
& aisément se dissout en icelle: mais au milieu de *ment se*
son aage, il se maintient entre deux, deuenant plus *dissout de*
vieil, sa couleur changée & diminuée, il deuient *dans l'eau*
plus espois : de là vient qu'alors estant instillé de- *de soy*
dans l'eau, il tombe promptement au fonds, & que *mesmes.*
fort tard il reuiet en la superficie de l'eau, & que
difficilement & tard se dissout auec elle.

C'est tout ce que nous auons à dire, encores que
ce ne soit auec des discours si choisis que vous de-
siriez, pour refoudre toutes les difficultez lesquel-
les vous auez proposées, i'en laisseray le iuge-
ment à Abdela nostre amy.

Abdela. Quant à moy, ie tiens ce que dessus si
veritable, que tous ceux qui voudront escrire ou

parler du Baulme, & n'acquiescerōt à ce que nous en auōs proposé, ie dis qu'ils en font du tout ignorans.

Erreur de Pline en la description du Baulme par le tesmoignage des modernes qui ont esté sur les lieux.

Il appert euidemment par les raisons cy deuant deduictes, que Pline a erré en regardant la diuersité des couleurs & des substances du Baulme, aussi bien que lors qu'il faict plusieurs especes & differēces, d'iceluy, car il dit: La preuue de la bōté du Baulme, est qu'il soit gras, tenuë & subtil, & mediocrement roux ou iaune, & quand on le frotte de boinne odeur, secondement la couleur blanche, la couleur verde pire, & la couleur crasse & noire la plus mauuaise de toutes.

Car il n'y a aucun des Egyptiens qui puisse dire auoir veu du Baulme blanc, si ce n'est celuy qui est recentemente tiré, laquelle couleur toutesfois s'esuanoüit dans peu de iours, & cōme nous auons dict, se transmuë en la couleur de l'huile, de ceste-cy en vne couleur iaune-dorée, finalement en vne couleur de miel obscure. Quant au noir, il n'y a personne de nous autres qui puisse dire en auoir veu, ny ouy dire qu'il y en aye. Si ce n'estoit toutesfois de celuy qui est apporté nouuellement des Indes Occidentales, lequel quelques vns, comme nous auōs dit cy dessus, estiment estre le vray Baulme: ce qui est faux, veu que ceux qui en ont escrit assureēt que ce suc improprement appelé Baulme, qui vient des Indes occidentales d'un grand arbre, lequel est fort differēt en hauteur, en figure, en rameaux, en feuilles & en fruićts, de la vraye plante, d'où fort le Baulme, ce qui sera fort aisé faire croire à ceux qui ont veu l'un & l'autre arbre.

Alpin. Simeon Sethus confirme aussi que le bon

bon Baulme recentemente tiré est blanc, comme ^{du tout} aussi Strabon, lequel dict qu'il est semblable au ^{differen-} lait: Mais encores que la couleur de ce suc per- ^{se, à celle} de ceste blancheur quelque peu de iours apres ^{que nous} estre sortie de la plante, & se change en vn autre; ^{venons} neantmoins, ce qui est vne chose esmerueillable, ^{re.} iceluy estant transmué en la couleur de l'huyle, e- ^{Chose es-}stant instillé dedans le lait ou dedans l'eau, il res- ^{meruail-} semble derechef estre blanc, & en faire aussi de ^{lable que} le Baul-
mesme celuy qui est d'une couleur iaune doree, & ^{me de} aussi celuy qui est de couleur de miel. Dioscoride à ^{quelque} doctement dict: le Baulme qui n'est point falsifié, ^{aage} qu'il soit
promptement se liquefie, & deuient de couleur de ^{estant} lait. Iamais personne ne penseroit que le Baulme ^{mis de-} lequel on ne void blâc se trouuaist estre tel, ce qui ^{dâs l'eau} se trouue par experience, car, comme ie dis, estant ^{repren} se trouue par experience, car, comme ie dis, estant ^{sa pre-} ietté dedans l'eau, il se trouue si blanc par dessus, ^{miere} que mal aisément le peut on discerner d'auec icel- ^{couleur} le, mais en peu de temps il se congele, reuenant & ^{blanche} surnageant au dessus en forme d'une petite toile ^{qu'il a-} blanche, encores recognoistra on plus manifeste- ^{uoir e-}ment sa blancheur, si estant congelé on le ramasse ^{stant re-} auec vn festu hors de l'eau. Mais il faut faire ceste ^{centemēt} experience en Esté; si cest en hyuer aupres du feu, ^{sorty de} le Baulme estant premierement attenué par la ^{la plan-} chaleur. Mais pourquoy est-ce que de blanc, il est ^{re.} son pour-
incontinent changé en vne autre couleur. ^{quoy de}

Abdela. Ou si c'est que la substance molle de ce- ^{blanc, il} ste couleur laitée fort tenuë & subtile, se resoult ^{deuient} & dissipe promptement? Ou si c'est par ce que la ^{inconti-} chaleur n'estant encores assez forte pour agir au ^{nent d'u-} suc, le rend trouble? On en obserue de mesmes en ^{ne autre} la Cyuette, car aussi tost qu'elle est extraicte des ^{couleur.} uerre ^{La Cy-}

*fraische-
ment ti
ree de l'a
nimal,
est blan-
che, &
puis chā
gée par
succession
de tēps.* testicules, elle est d'une couleur laiteuse, com-
mençant à bouillir peu à peu, devient verdastre, &
finalement noiraistre.

Alpin. Jusques à maintenant vous nous avez
fort bien expliqué tout ce que nous desirions de
vous. Mais encores voudrois ie fort volontiers sça-
voir de vous les marques par lesquelles nous puis-
sions discerner le vray, d'auec celuy qui ne l'est
pas, le falsifié, d'auec celuy qui est pur & net, & tel
que la nature le produict.

*Des marques par lesquelles on pourra cognoistre le vray
Baulme d'auec celuy qui ne l'est pas, le pur
& net, d'auec celuy qui est sup-
posé & falsifié.*

CHAP. V.

A B D E L A.

PAr les marques cy apres desduictes, vn chascun
pourra fort bien recognoistre le vray Baulme,
d'auec celuy qui ne l'est pas, le legitime d'auec le
falsifié, ny ne pourra estre si facilement trompé
d'aucun: car celuy qui n'a pas encores atteint sa
vieillesse, est d'une couleur blanche (ce qui ne se
voit que bien rarement, & tant seulemēt lors qu'il
sort de la plante, ou bien lors qu'il est fraichement
recueilli (ou de couleur verte, ou d'une couleur
d'huyle trouble, fort semblable de sa substance &
de sa couleur audit huile ou bien d'une couleur
doree reluisante, d'une substance fort tenuë &
fort

*Marques
de l'ele-
ction du
vray
Baulme.*

fortclair. Celuy qui sera doué de ces marques, aura vne odeur vehemente, & tât plus recent il sera, tant plus subtile & aiguë il l'aura, ayant l'odeur du Therebinte avec vne senteur plus soüefue, & fort delectable à nostre odorat. Il a vn goust vn peu amer, adstringent, avec vne mediocre mordication, fort legier & subtil, fort facile à se dissoudre, laquelle marque se recognoistra lors que l'on en distillera quelque goutte dedans de l'eau ou bien dedas le lait, car il demeurera legier sur icelle, & reuiendra au dessus, demeurât bien peu au fonds, remontant incontinent en la superficie, se dissolvant & liquefiant aisement en icelle, n'ayant rien d'vnctueux ny de l'huyleux, gluant & tenace: par les marques susdictes on discernera le vray dauec le falsifié.

Alpin. Pourroit on faire quelque huyle artificiel semblable au Baulme?

Abdela. Cela sans doubte, car Galien assure ^{Du tēps de Galien} que de son temps, on le contrefaisoit si dextrement que avec grande difficulté se pouuoit il recognoistre: mais toutesfois celuy qui est falsifié, il ne se ^{le Baulme se falsifioit en diuerses manieres.} peut faire que avec quelque liqueur, ou avec quelque huile, ou avec quelque vnguent.

Dioscoride dit, qu'on le peut sophistiquer avec vn vnguēt fait de Terebinte, de Cypres, de lētisque, de Behen, de lys & de Metopion, du Miel ^{Metopion est vn huyle} & avec de la Cire liquide de Cypres.

Serapion adiousté à ceux cy l'huile Myrthin, ^{ro-fait par les Egyptiens d'huile d'aman-dres de} fat & huile Cypriot.

Pline dict qu'il se peut sophistiquer avec l'huile extraict du vray fruiēt de Baulme: pour ceste raison plusieurs en font l'huyle, qui ne ressemble point

galbanū point trop mal au vray Baulme, lequel toutesfois
est d'A- est recogneu, d'autant que il est beaucoup plus
moniac amer, ayant l'odeur plus obscure & moins souëfue
en dit que celle du Baulme.
auss que

cest vne Il dit aussi qu'on le peut Sophistiquer avec
l'arme huyle rosat, huyle de Souchet, de Lentisque, de
qui s'ëble Behen de Therebentine, Mirthin, avec de Resine,
de resine du Galbanum, & de cire Cyprienne, qui sont tout
laquelle ce dequoy Dioscoride a parlé cy deuant, sous le
est appel nom des vnguens; mais peut estre il eussè mieux
lee Hä- dict, qu'on le peut plustost Sophistiquer avec
moniac qu'elle huiles, que avec vnguens, d'autant que le Suc est
à cause d'une substance tenuë & subtile comme l'huyle,
qu'elle & n'est aucunement espois, si ce n'est par la vieil-
vient en lesse.
Æthio
pie, voisi-
ne d'A-

frique, Avec tout ce que dessus on peut falsifier le
au tem- Baulme, mais la tromperie se descouure aisement,
ple de car celuy qui est contrefaict avec l'huyle, on le co-
Hämō, gnoist en trois manieres, d'autāt que premieremēt
ressem- frotté entre les doigts, il n'est aucunement ny ad-
blāt fort herant ny gluant, d'autant que comme nous auons
à l'encēs dit cy deuant, le vray Baulme a vne certaine tena-
masse. cité & viscosité en luy, & ceste marque ou qualité
Comme luy a esté confirmée par la pluspart des anciēs: car
se peut il est tout certain que par le moyen de l'huyle, la
ecognoi- viscosité de toutes resines est ostée.
stre le

Baulme Car iceluy estant inbillé dedans l'eau, il n'y a
falsifié personne qui nie qu'il nage par dessus, faisant des
avec petites cernes rondes sur icelle. Ce que ne faict le
huyle. vray Baulme, comme cy apres nous dirons. Dauā-
Marque tage l'huyle laissè la tache à vn drap, laquelle diffi-
asseuree cilement se peut oster, & tous les iours se va en
du Baul eslargissant, ce qui n'aduiët pas de mesme au vray
me.

Baulme:

Bauline : Par ces signes on recognoistra le vray Bauline sophistiqué avec l'huile.

Cela se recognoistra aussi, si les onguents com-
posez avec les huiles cy dessus, y sôt mixtionnez: en-
cores en cecy se trouuera vne marque plus asseu-
rée, c'est qu'il faudra necessairement que les vn-
guents en peu de temps descendent au fonds. La
cire y estant meslée, il sera tousiours trouble, &
iamais ne s'esclaircira. Le miel y estant adiousté, la
douceur au goust le descourra, & le miel attire-
ra à soy les mouches, comme tesmoigne Plin. La
resine se descourra, si estant mis sur des charbôs,
il fait vne flamme noire, & se trouuera d'une sub-
stance plus crasse que s'il estoit pur & net.

*Commēt
s'il y a
quelque
onguent
meslé.
Commēt
s'il y a de
la Cire.
Commēt
s'il y a
du miel.
Commēt
s'il y a de
la resine.*

Doncques le vray Bauline se recognoistra par
ses marques: car outre les autres signes ou mar-
ques desquelles il doit estre accompagné, suiuant
les aages qu'il aura, nous y adioustons aussi ceux-
cy: c'est à sçauoir, outre ce qu'il doit estre d'une
valide & forte odeur, estant vne seule goutte in-
stillée dedâs l'eau, encores qu'elle soit bien petite,
neantmoins elle s'estend sur toute la superficie de
l'eau, tellement que s'estant liquifiée en icelle, el-
le la surnage & couure entierement, mesmes in-
continent elle se coagule en icelle, & prend vne
couleur de lait: encores ceste goutte estant con-
gelée par l'eau, on la peut toute ramasser avec vn
festu, & le retirer dehors de l'eau, duquel en ayant
degoutté vn peu sur vn drap de laine, il ne le ta-
che pas, encores qu'il s'y attache. Il coagule le lait,
& toutesfois il ne le fait pas comme la presure
ou le caillé, parce que parfaitement il ne caille pas
le lait: mais qui plus est, il se coagule en iceluy.

*Autres
marques
de son es-
lection.
On peut
ramasser
avec vn
festu le
Baulme
qui s'est
estendu
en forme
de toile
sur la sis-
perficie
de l'eau.*

Alpin.

Alpin. Il y a dauantage, il se trouue beaucoup plus de marques chez les anciens Autheurs, pour discerner le vray Baulme naturel, d'auec le sophistiqué.

Marques d'electio suyuant le dire de Dioscoride. Dioscoride dit: Le vray Baulme pour estre bon, doit estre recent, d'une valide & forte odeur, pur & net, & qu'il ne tire point sur la couleur verde, facile à se dissoudre, legier, adstringent, & yn peu mordicant au goust.

Et apres auoir discouru de tout ce auec quoy on le peut falsifier, il dit: Car celuy qui est du vray, si on en distile quelques gouttes sur vne robe de laine, il ny fait aucune tache, ny mesmes il n'y laisse aucune macule, si on la laue. Celuy qui est sophistiqué demeure adherent à la laine, & s'il coagule ou caille le lait, celuy qui est falsifié ne le fait pas.

En outre, le vray Baulme se liquefie promptement dedans le lait ou dedans l'eau, & prend la couleur du lait, celuy qui est falsifié surnage sur l'eau comme de l'huile, s'estendant en forme d'estoille, le vray & legitime, en deuenant vieil s'espoissit, & empire. Ceux errent grandement, qui croient qu'estant congelé dedans l'eau, il s'en va au fonds, en apres ils croient qu'il se dissipe, & qu'il surnage. Pline dict, que le pur & net est adherent, qu'une goutte d'iceluy tombée dans de l'eau tiede, si coagule, qu'elle descend au fonds, qu'elle caille le lait, & qu'il ne tache point vn drap de laine; Auicenne dit qu'il caille le lait, qu'il se mesle facilement dedans l'eau, qu'il s'espoissit dedans, qu'estant condensé il se conserue, & que retiré dedans du Coton il se peut lauer. Serapion dict les mesmes

Marques de l'electio du Baulme suyuant le dire de Pline. Opinion d'Auicenne, Serapion.

mes choses que Dioscoride : Simeon Sethus escrit ^{pio, Dioscoride & Simeon Sethus.}
cecy. Or est il que quelques vns pour essayer si le Baulme est vray, apres en auoir oinct vne piece de fer, la mettant au feu elle s'eschauffe & rougit incontinent, ce qui se fait aussi par le moyé de l'huile de Camphre, & des autres desquels nous auons parlé. Les autres disent qu'estant mis dedans l'eau iamaïs il ne surnage, mais que promptement il va au fonds, cela est bien veritable, mais quād ces deux choses rencontrent en luy, c'est à sçauoir qu'il eschauffe & enflamme promptement le fer, & que facilement il demeure sur l'eau, prens de celuy là. Car cest le vray & qui n'est point sophistiqué : Encores faut il sçauoir, que lors qu'il est récent, & en sa grande vertu, qu'il nage sur l'eau, cela s'experimente par ce moyen : l'on met du Baulme sur vn linge lequel estant laué on le peut tout leuer aisément du linge, & si il ny laisse point sa couleur, mais tant seulement la suauité de son odeur. Ayāt appris choses si differentes & contraires de si graues Autheurs, & ayant en ma puissance du Baulme lequel vous dites estre le vray, lequel ne represente les marques par eux enseignees, encores y a il quelques signes lesquels ne si treuuent aucunement; Car bien qu'il soit récent, & qu'il ne soit aucunement verdaistre, d'une valide & forte odeur, d'une couleur d'huyle, trouble en ses premiers ans, incontinēt apres clair, d'une couleur dorée vn peu amer, astringent, & vn peu mordicant, gluāt, leger, facile à dissoudre qu'il caille le lait, qu'il ne tache point le linge, & comme dict Auicenne, estant degouté dedans l'eau qu'il se mesle & qu'il se congele en icelle, qu'il nage dessus, & aussi qu'il fasse
enflam

& rougir le fer plus promptement mis au feu, comme dit Sethus : Toutesfois, ie ne trouue point qu'en ayant distillé quelque goutte sur vn drap de laine, ce qui est obserué par tous les anciens Auteurs, qu'estant laué avec de l'eau il se puisse oster entierement : Car il ne se trouue aucun Baulme, qu'en ayant mis sur vn drap, il ny adhère quelque peu : de là ie tire vn consequence infallible qu'il ne se trouue aucun vray Baulme qui fasse ceste experience ; d'autant qu'iceluy comme on l'observe en toutes autres resines (veu que cest vn suc resineux) est fort tenace, visqueux & gluant. Par les raisons susdictes ie suis tombé en vne grande doute & ambiguité sur ceste marque descrite par la pluspart des anciē, & desire de sçauoir vostre opinion sur cest incident, à fin que i'y puisse acquiescer.

*La d'fficulté cy
deuant
proposée
résoluë
par des
raisons
pertinen
tes, &
receua
bles.*

*Le Baul
me est
vne resi
ne.*

Abdela. Vous estes digne d'une grande reprehension qui vous arrestez plustost à vne marque qui manque à vostre Baulme, qu'à plusieurs autres signes tres-veritables desquels il est accôpli, quand à moy ie ne trouue pas que ce soit vne marque vraye de sa bonté; qu'ainsi ne soit: cōme pourroit-il estre que ce suc fust exēpt de viscosité (veu que ce n'est autre chose qu'une certaine resine) laquelle estant degouttée dessus du lin, ou sur vne piece de drap, ou bien sur du Coton, il n'y adhère en quelque sorte ; Or est-il que ce suc, non seulement est gluant & visqueux, mais aussi ses rameaux, si on les presse avec les doigts, il est tres-certain qu'ils adhèrent à iceux, ce que nous n'ignorons point: mais encores est-il asseuré par aucuns des Anciē. Strabon n'a-il pas dit: Quand ils excarifient son escor-
ce

ce, ils reçoivent son suc dedans des petites coquilles, fort semblable à un lait gluant & visqueux. Comment? Pline en enseignant les marques du vray Baulme, n'a-il pas dict que le suc du legitime devoit estre gluant & adherent.

Et afin que ie ne retarde davantage vostre desir, il faut que ie vous mette en avant ce que Dioscoride a dit, touchant à ceste marque, & ce qu'il m'en semble.

Quant à moy, j'estime Dioscoride, & tous les autres anciens auoir dit qu'il n'adhere au linge & aux draps de laine, pour nous enseigner que s'il estoit sophistiqué avec d'huile ou d'onguent, il se pourroit recognoistre par ce signe, d'autant que comme ie vous ay dict cy deuant, (il estoit alors falsifié de plusieurs avec de l'huile) s'il y en auoit, & que l'on en mist quelque goutte sur du drap de laine, il y laissera la tache comme fait l'huile, laquelle n'y adhere pas tant seulement: mais encores tous les iours s'augmentera & s'agrandira.

Mais le Baulme qui ne sera sophistiqué, encores qu'il s'attache quelque peu au drap, toutesfois il ne maculera point le drap, comme fait l'huile: mais au contraire, il va diminuant peu à peu, encores qu'il soit attaché au drap, ne faisant pas comme l'huile: car il se dissout & s'esuanoïit de soy-mesmes peu à peu.

Voila pourquoy le vray Baulme s'attache au drap, non comme fait l'huile: car il n'y laisse point de tache.

Ce qui appert par experience au vray Baulme, lequel j'ay distillé souuent sur ma robe, laquelle n'est aucunement tachée. Bien est-il vray qu'il ne

Le Baulme est fort gluant & visqueux.

Opinion de Prosper Alpin touchant à la marque d'election du Baulme, donnee par Dioscoride.

Une chose gluante & visqueuse ne laissera pas si tost tache ou macule, en un drap de laine, comme fera de l'huile.

faut pas faire ceste preuue sur les draps qui se font en Italie, qui sont beaucoup plus drappéz que les nostres, d'autant qu'anciennement vos draps d'Italie ne s'apportoient pas en ce pays: car de ce tēps on ne s'en seruoit icy cōme l'on faict auioird'huy.

On ne portoit point anciennement des draps de laine fabriques en Italie.

Dioscoride n'entēd pas que l'on en fasse la preuue en ceux-là: mais bien à ceux qui se font en ces Regions, qui sont beaucoup plus minces que les vostres.

Les draps de laine fabri- quez en Turquie plus minces que ceux que l'on y porte d'Italie.

Pline a expliqué plus clairement ceste marque, quand il a dit, & qu'il ne fasse point de tache sur vne robe, & non pas comme dit Dioscoride, qu'il ne s'attache point à la robe. Encores semble-il que Sethus aye plus veritablement descrit le signe par lequel on peut mieue discernier le Baulme legitime, ce qu'il exprime en ces mots: Le linge en estant arrousé, & puis osté, il se leue entierement d'iceluy, n'y laissant sa couleur: mais tant seulement la suauité de son odeur: ce qui se pourra obseruer nayfement au nostre.

Or est-il que nous colligeons de la diuerse & contraire opinion des marques pour discernier le vray Baulme d'auec le falsifié, qui se trouuent en la lecture des Autheurs anciens: que sans doute nulle, ils n'ont iamais veu la plante viuante du Baulme, encores moins crois-je, qu'ils ayēt iamais veu du vray & legitime Baulme, & que ce qu'ils en ont escrit, ils l'ont plustost escrit par la relation d'a utrui, que pour en auoir faict eux-mesmes vne exacte obseruation.

Les anciens autheurs qui ont descrit le Baulme, ne l'ont iamais veu: ny la plante qui le produit.

Voila les raisons pourquoy il ne faudroit point rechercher vne description veritable du Baulme chez les anciens Autheurs qui sont entre eux dis-

cou

cordans : Mais bien des peuples , principalement
 des Medecins, qui perpetuellement ont habité les lieux, où de memoire d'hommes , par le consente-
 ment des anciens Autheurs, le Baulme a esté culti-
 ué & produit par la nature , & auoir veu souuent
 eux-mesmes l'arbrisseau qui le produit. A ceux-cy
 meritoirement on doit adiouster foy. Ce sont les
 Medecins Egyptiens & Arabes, lesquels tous d'un
 commun consentement affirment & asseurent
 qu'on n'a iamais veu, cogneu, ny mis en vsage au-
 cune autre sorte de Baulme en toute l'Egypte , en
 toute l'Arabie, ny en toute la Syrie, que ceste sorte
 icy , lequel vous ne croyez estre le vray.

De qui il faut ap- prendre la co- gnoissance de ce d'vray Baulme. Tous les medecins Arabes Egyptiens & Syriens asseurent

La verité de cecy se descouure en ce que iamais
 on n'a veu autre sorte de Baulme different à cestuy
 cy en ces lieux, entre les mains du grand Seigneur,
 ny mesmes entre les mains de plusieurs Bascha,
 ou gouuerneurs d'Egypte: Au cōtraire, il se trouue
 tout semblable à celuy que nous receuons cōmune-
 ment pour tel. Qu'ainsi ne soit, le Seriph Seigneur
 de la Mecque & de Medine , en faict present tous
 les ans de quatre liures & dauantage au grand
 Seigneur, & continuellement il en a receu tous les
 ans de luy, depuis qu'il est Seigneur de l'Egypte.
 Lequel a la verité est tout semblable à celuy du-
 quel vsent tous les Egyptiens, Arabes , & Syriens
 & autres.

Le Seriph de la Mecque faict present tous les ans de quatre liures de Baulme

Alpin. Vous dites vray ; car ie suis tout certain
 que le Baulme qui cōmunemēt est receu pour tel,
 est semblable à celuy que plusieurs grands Sei-
 gneurs de Turquie, & plusieurs Consuls de Veni-
 se ont, lesquels l'ont eu en dō du gouuerneur d'E-
 gypte, & de plusieurs autres Seigneurs principaux.

au grand Seigneur

de Turquie, il est aussi semblable à celui duquel
L'Empereur des Turcs fit present du vray Baulme à François Duc de Florence. l'Empereur des Turcs fit present il y a long temps à François, grand Duc de Florence, lequel l'ay comparé & confronté avec celui que j'auois apporté d'Egypte, ie lesay trouué en tout sēblables. Voila pourquoy ie desirerois que ceux qui n'approuuent celui lequel nous venons de descrire & receuons pour vray, qu'ils le cōparent avec celui qui est entre les mains des Consuls Venitiens, & de plusieurs autres, qui anciennement ont voyagé par l'Egypte, lequel ils ont eu en don de plusieurs Seigneurs Turcs, & alors iugeront s'il est vray ou non.

Contrariété manifeste au dire d'Auicenne. Sorte de Baulme cōtre fait lequel se fait de huyle du fruit du Car-pobalsamum tiré par expressiō: il se reconnoi-stra par les marques dedui-ctes. *Abdela.* Neātmoins ie m'esmerueille grādement d'Auicenne, qui dit qu'ayant imbibé du Coton de ce suc, qu'on le peut lauer avec de l'eau, veu que cy deuant il a dit, que l'ayant degoutté dedās l'eau, il s'y coagule & espoussit: Ce qui estant veritable, comment se pourra-il faire que le Coton qui en sera imbus, puisse estre lauē avec de l'eau, vn chacun croira euidentement que cela ne se pourra faire. Il y a encores vn autre sorte de Baulme lequel se fait par l'expression du fruit du Baulme, duquel nous auons faitē mentiō cy deuant, lors que nous auons parlé du moyen de le sophistiquer, & lequel on vend quelque fois pour le legitime, se discerne toutesfois par son goust plus amer, & par son odeur plus obscure & moins valide, d'avec le vray. Ce sera donc assez discoursu du Baulme: Il nous reste maintenant à parler du fruit du Baulme, & de ses verges, d'autāt qu'il y a plusieurs qui s'opiniastrēt qu'il ne se trouue point du vray fruit de Baulme, n'y aussi du bois.

*La vraye cognoissance & consideration du vray fruit
du Baulme & de ses verges.*

CHAP. VI.

ALPIN.

Iusques à maintenant vous nous auez esclaircy toutes les ambiguites ausquelles nous estions, pour la cognoissance de la plante du Baulme, & aussi de la liqueur qui en sort, par vostre doctrine; tellement qu'il n'y a personne qui les puisse mettre en doute, ny moins refuser de les mettre en usage en la medecine, ce que faisant, ils seront dignes d'une grande loüange, mettans en practique un si excellent medicament: veu que personne des nostres ne met en doute si on apporte le vray & legitime Baulme d'Egypte & de Syrie en Italie, d'autant que plus facilement par les marques cy deuant descrites, on y recognoistra le vray d'auec le sophistiqué.

Il nous reste maintenant d'esclaircir les doutes qu'ont ceux du pays, pour la cognoissance du fruit & des verges d'iceluy. D'autant qu'il faut que nous fassions voir que ces semences ordinaires qui se vendent pour vray Carpobalsamum, & desquelles il en vient tous les ans grande quantité, sont le vray fruit de Baulme, duquel les anciens se seruoient en medecine. Il faut toutesfois prendre garde qu'on apporte de deux sortes de Carpobalsamum, lesquelles tous deux sont receuës par quelques uns pour le vray fruit du Baulme; l'un des-

*L'usage
du Baul
me & de
son fruit
est ne-
cessaire
en la me
decine.*

*Preuve
manife-
ste par la
quelle on
voit que
de tous
temps
nous au-
ons eu
quantité
de Car-
pobalsa-
mum re-
cogneu
pour tel.*

quels est de la grosseur du fruiçt du Therebinte, presque de semblable forme, rond & vn peu plus longuet, semblable à vn œuf, poinçtu à l'extremité, iaunastre, couuert de toutes parts d'une gousse noire rougeastre; & cestui-cy est le vray Carpo-balsamum des anciens.

Marques d'electio pour discerner vn certain fruiçt le quel ressemble fort au vray Carpo-balsamum. L'autre fruiçt du Baulme faux, est fort semblable en grosseur, couleur & figure: toutesfois, il est différent au vray, en ce qu'il est plus longuet, & couuert tant seulement à demy de son estuy: car le bout par lequel il est attaché au pecoul, n'a point de gousse, mais elle ne le couure qu'à demy. Nous ne parlons donc point de ce faux, lequel on prend pour le vray, encores qu'il soit fort odorant & aromatique. Peut estre aussi que c'est celuy, lequel Dioscoride disoit estre apporté de la Mecque pour le vray fruiçt du Baulme, s'il auoit le goust du Poyure. Nous parlons doncques de l'autre, qui est du tout différent à l'autre, en ce que son estuy le couure entierement.

A Venise ont esté en la mesme erreur en laquelle nous auons encores esté iusques à ce iour d'huy à Lyon, car i'ay esté le premier qui L'on nous a dit que les Apoticaire de Venise de l'aduis du College des Medecins, quand ils composent leur Theriaque, & Mitridat qu'ils y mettēt les bayes de Geneure. Je vous laisse à penser quelle faute ils commettent, quel malheur, & quel deshonneur à tous ceux de la professio, de mettre des substitues en la Theriaque, & aux autres medicaments, veu que ce sont des drogues fort aisées à recouurer; mais ie crois plustost qu'ils ayent la vouldonté de persister en leurs anciennes erreurs, que d'embrasser la verité de cest affaire.

Abdela. Comment? Est-il possible qu'ils se seruent en la composition du Theriaque, & autres compo

compositions du fruit de Geneure, puis que d'icy l'ay mis
 on enuoye tant en Italie du Carpobalsamum, le- en ma
 quel ils disent n'estre le vray? Qu'est-ce que vous Theria-
 me dites? J'ay honte de ce que tant de Medecins que dis-
 mesprisent le fruit du Baülme, & n'en veulent pensee en
 point mettre en vsage. la mai-
 son de
 ville à

Mais quelles raisons vray-semblables donnent Lyon, en
 ils, pour prouuer que ce fruit du Baülme n'est le l'annee
 vray des anciens. Assauoir-mon, s'ils ne sont assez 1611.
 faciles à recognoistre par leur couleur, grosseur, &
 figure? Theophraste dit qu'ils sont semblables au
 fruit du Therebinte en grandeur, en couleur, &
 figure.

Serapion en a parlé fort clairement, & suyuant vraye
 l'intention de Dioscoride, les a descrit en ceste descri-
 maniere: Le grain d'iceluy lequel on appelle Car- prion du
 pobalsamum, est vn fruit rond, longuet neant- Carpo-
 moins, estant poinctu aux deux extremittez, & au faitte
 milieu vn peu grosset: Sa couleur tend sur le rou- par Se-
 geastre, il est plein, pesant, picquant la langue avec rapion &
 vne fort petite & legere mordication, & quand on Dioscori
 le casse, il a au dedans vne humidité semblable au de.
 miel, & est aromatique.

Dioscoride adiouste que ceste semence a du
 goust du Baülme. Mais encores faut-il que ie vous
 confesse que le fruit du Baülme que les Medec-
 ins & Apoticares Italiens desnient, conuient
 fort bien à la description qu'en a fait Serapion:
 mais aussi aux marques qu'en done Theophraste,
 d'autant qu'ils sont de la mesme grosseur, figure, La figure
 & couleur que le fruit du Therebinte. Car Sera- du vray
 pion les a depeint encores plus exactement, lors fruit du
 qu'il dit que la semence est ronde, longuette, poin- Baülme.

étuë aux deux bouts , & au milieu vn peu grossette, d'vne couleur rougeastre, pleine & pesante , & qui picque mediocrement la langue , & qui au dedans a vne certaine liqueur semblable au miel. Par ces marques, on recognoist ce fruit lequel on appelle *Carpobalsamum* vulgairement, estre le vray & legitime des anciens.

Alpin. Tous les Anciës d'vne mesme voix confessent que ce fruit a toutes les marques, lesquelles *Dioscoride*, le prince de ceux qui ont escrits l'histoire des plantes, dit en ces mots : Que l'on choisisse le fruit du Baulme iaune, plein, grand, pesant, ayant le goust mordicant, brulant quelque peu en la bouche, ayant aucunement l'odeur du Baulme.

Ils disent que les semences lesquelles nous exhibons pour le fruit du Baulme ne sont iaunes, comme enseigne *Dioscoride* : mais d'vne couleur noire, rougeastre, qu'elles sont vuides, & non pleines, legeres & non pesantes, petites & non grandes, & qu'elles ne sont picquâtes au goust, & n'ont le goust du Baulme.

Par ces raisons, ils disent que ce fruit n'est le vray *Carpobalsamum* des anciens : mais plustost que ce sont ces semences supposees, lesquelles *Dioscoride* disoit anciennement estre apportées d'Arabie, ce qu'il a enseigné par ces paroles : Il est sophistiqué par vne semence semblable à l'*Hypericon*, ou *Millepertuis*, laquelle est apportée de la Mecque : mais ce fruit est reconnu par sa grosseur, en ce qu'il est vuide, n'ayant pas si grâde force, & aussi qu'il a le goust du poyure.

Pline en dit de mesme: Je vous ay mis en auant toutes

*Electio
d. Car-
pobalsa-
mum.*

*Marques
par les-
quelles
on reco-
gnoistra
vn cer-
tain
fruit
supposé
pour le
Carpo-
balsa-
mum.*

toutes les raisons desquelles se seruent les Medecins & Apoticairens d'Italie & des autres nations, pour refuter le Carpobalsamum ordinaire, lequel nous voyons aujourdhuy par les boutiques.

Abdachin. Il faut que l'un des deux desquels nous venons de parler, soit le veritable, ou bien il faut que ces gens-là ne sçachent les marques lesquelles vous venez de dire, par lesquelles on le puisse bien recognoistre, ou il faut que ces Medecins ou Apoticairens n'ayent point regardé de pres ces fruiçts, lesquels ils ont tous les iours entre les mains, que si cela estoit, il ne se peut faire qu'estas doüiez de toutes leurs marques, qu'ils ne les recogneussent, d'autant qu'il ne leur manque aucun signe de ceux lesquels Dioscoride leur donne, pour les bien recognoistre. Car ils sont pleins de ce suc miellé, que si aueugles qu'ils sont, ils les eussent regardées de pres, il ne se peut faire que par là ils ne les eussent recogneus.

*Nous ar-
rons eu
de toutes
temps le
Carpo-
balsamū
en Fran-
ce, sans
qu'on
l'aye re-
cogneu.*

On les voit aussi plus gros que les semences de l'Hypericon, ils sont pesans, avec quelque legere poincte quand on les masche, ayans aussi de l'odeur du Baulme. Je ne pense point que personne quel qui soit venant à gouter & flairer ce fruiçt icy, qu'il ne recognoisse de la saveur & de l'odeur du Baulme.

Abdela. Vous dites des choses veritables, & lesquelles il seroit de besoin qu'elles fussent bien comprises, & par eux entendues. Car c'est vne chose tres-veritable que ce fruiçt lequel communement nous appellōs Carpobalsamū, est le mesmes lequel est recueilly en plusieurs lieux de l'Arabie felice, sur les arbrisseaux du Baulme: car tous ceux qui

ont esté en ces lieux le tesmoignēt: ny mesmes les Apoticaire d'Egypte ne se sont seruis d'autres que de ceux-cy, pour le fruit du Baulme. Ny il ne se sçait que de memoire d'hommes on aye apporté de la Mecque autres fruits que ceux-cy pour le Carpobalsamum. Galien mesme assure en son liure des Antidotes, qu'on ne peut falsifier le fruit du Baulme, & ce non sans raison: car il n'y a point d'apparence que celuy qui vne fois aura veu ce vray fruit de Baulme, puisse estre trompé des autres: mais posons le cas qu'on en suppose vn autre, cela se cognoistra suiuant l'instruction de Dioscoride, parce qu'il se trouuera vuide, plus petit, & aussi qu'il aura le goust du Poyure.

Quoy qu'il en soit, ie ne puis que ie ne m'esmerueille grandement de ces Medecins qui disent que les marques que Dioscoride a donné au Carpobalsamum, a esté à fin de discerner ses semences d'auec les autres, veu que luy ne les a pas données pour ceste raison: mais plustost à fin que l'on choisisse entre les semences les plus iau-
Qualités
lesquel-
les doit
auoir le
Carpobalsamū
recent.
 nes, les plus pleines, les plus grandes, les plus pesantes, ayans l'odeur & la saueur du Baulme, d'autant que celles qui ont ces qualitez sont les meilleures.

Qui est celuy si ignare qui ne sçache que les laboureurs quand ils veulent achepter quelques grains, soit du froment, soit de l'orge, ils les choisissent bien nourris, gros, pesans, de bonne odeur & saueur, & qu'ils ne veulent point de ceux qui sont légers & petits?

Mais pourquoy cela? parce que ceux-là sont inutiles,

inutiles, & ceux-cy sont les meilleurs.

Alpin. Ils disent qu'on n'en voit point de jaunes, comme a dit Dioscoride : mais que plustost ils sont d'une couleur rougeastre, noire,

Abdela. Vous dites vray, de là on tire coniecture que ces gens ne sont bien exercez en l'observation & circonspection de ces fruits, parce que s'ils en auoyent veu plusieurs, & qu'ils les eussent regardé de pres, sans doute, ils les trouueroient de deux couleurs : qu'ainsi ne soit, lors qu'ils sont reuestus de leur petite bource ou estuy qui le couure, il est d'une couleur rougeastre noire, & quand il en est despoüillé, il est de couleur iaune.

Tellement que si on prend garde à telle chose, on trouuera que Dioscoride, disant que ceste semence est iaune, n'a point failly, non plus que Serapion & Theophraste, lors qu'ils ont dit qu'elle est d'une couleur noire rougeastre.

D'autant que Dioscoride a entendu qu'il est de couleur iaune, lors qu'il est despoüillé de sa bource, & les autres de couleur noire rougeastre, lors qu'il est dedans son estuy.

Voila tout ce que nous auons à dire du Carpo-

balsamum.

Quant au Xilobalsamum, nous n'en auons pas beaucoup à dire, d'autant qu'il ne semble pas tant estre incogneu comme le fruit.

Nous tirons vn argument tres-certain, que ce sont ces petits sarmens lesquels nous voyons communement par les boutiques, receuës pour telles des Apoticaire, & encores bien qu'ils ne les mettēt point en vſage de medecine, c'est vne chose certaine

*Differens
pour le
Carpo-
ba'samū
entre
Dioscori
de Sera-
pion &
Theo-
phraſte
accordé.*

Election du bois du Baulme. certaine qu'ils ont le gouft & l'odeur du Carpo-
balsamum.

*Il ne faut met-
tre en
usage le
bois du
Baulme
s'il n'est
recent.* Les verges les meilleures sont les plus desliées,
iaunastres, sarmenteuses, & qui fraichement cou-
pées ont l'odeur du Baulme. Serapiō & Theophra-
ste assurent qu'elles flairent le Baulme.

Des recentes seulement se doiuent seruir les
Apoticaire, veu qu'en peu de temps leur odeur
s'esuanouit, à cause que l'odeur se perd à mesure
que l'humidité du sarment se consume: ainsi l'o-
deur & la saueur du bois se deperit.

*Domini-
que le
Roy Apo-
ticaire.* *Alpin.* Nostre Apoticaire Dominique le Roy en
auoit vn troufseau, lequel luy auoit esté donné d'un
Turc, qui l'auoit apporté de la Mecque, il auoit v-
grande odeur de Baulme: lequel toutesfois la per-
dit en moins de six mois.

*Le bois
ou vergo
du Baul-
me perd
son odeur
en moins
de six
mois.* A la verité i'ay eu en ma puissance plusieurs ver-
ges de bois recentes, lesquelles ayant comparées
auec celles que i'ay veu entre les mains des Apo-
ticaire & Espiciers à Venise, ie les ay recogneuës
toutes semblables, que s'ils les auoyët plus recen-
tes, sans doute ils les recognoistroient plus facile-
ment, & ne les mescognoistroient.

Abdela. Contentez-vous doncques de ce qui a
esté dit de la plante du Baulme, du suc, & liqueur
d'iceluy, des fruiçts & du bois, & afin que vous en
soyez plus certain, ie vous faiçts present du vray
pourtraict, tiré apres le naturel de la plante, lequel
conferant auec ce que nous auôs dit, vous la trou-
uerez estre tres-veritable.

Faisons fin à cecy; voyez comme le Soleil est
desia fort haut: voila pourquoy il sera meilleur de
nous retirer, afin que la chaleur ne nous surpren-
ne, &


ne, & que nous soyons de retour au Caire de bonne heure.

Alpin. C'est bien dit, sortons d'icy, cependant ie vous remercie de bien bon cœur, de vos bons enseignemens, tenez-moy tousiours en vos bonnes graces, & m'honorez de vostre amitié.

Abdela. Et à vous aussi, ie vous dy Adieu, & vous souuenez que nous vous serons tousiours tres-affectionnez.


Plante





LA RAISON POVRQVOY
NOVS AVONS ICY ADIOV-
sté les obseruations faictes par Pierre
Bellon en Egypte, touchant la plante du
Baulme.

CHAP. VII.

 N mesme temps que i'estois en volonté
de mettre en lumiere le liure du Baul-
me, lequel autresfois i'auois composé en
Egypte. Voicy que les doctes Obserua-
tions qu'auoit faict Pierre Bellon du Mans, en ses
obseruatiōs des singularitez des pays où il a voya-
gé, homme autant admirable en diuerses choses,
cōme aussi en la cognoissance des plantes, lesquel-
les il y auoit ja plus de quarante ans qu'il auoit
composees, & neantmoins n'auoient esté imprimees
que ceste année 1590. dedans lesquelles ayāt
leu vne exacte description & obseruation tres-do-
cte de quelques plantes viuātes de Baulme, & les-
quelles il auoit veu autresfois en Egypte. I'ay iugé
fort à propos de l'adiouster sur la fin de ce liure.
Car i'ay pēsé que la lecture du discours d'un si do-
cte & excellent personnage, & qui estoit fort versé
en la cognoissance des plantes; confirmeroit &
rassureroit d'auantage les escrits de ceux qui li-
ront nostre liure. C'est ce qui m'a occasionné de fai-
re ceste petite preface, auant qu'adiouster ce qu'il
en adit en son liure des Singularitez; à celle fin
que le Lecteur voye que ce que nous auons mis
icy, n'est que bien à propos.

Obserru

Observations de Pierre Bellon du Baulme d'Egypte, tirées de son liure deuxiesme de ses singularitez observees.

CHAP. VIII.

Nous allasmes voir vn iardin en vn village où croissent les Baulmes, qui n'est pas si loing du Caire, que de Paris au Lendit. Et d'autant que le Baulme est vne plante renommée, precieuse, & rare, auons voulu escrire tout ce qui nous a semblé appartenir à son discours. Nous sçauons qu'il y a quelques hommes qui pensent que les Baulmes de la Materée, y ayent esté apportez de Iudée: mais nous monstrerons cy apres qu'il n'en est rien. Ils sont dedàs vn grand iardin enfermés dedàs vn petit parquet de muraille, que l'o dit y auoireté fait, depuis que le Turc a osté l'Egypte des mains du Souldan: & dit-on que c'estoit vn Baccha qui estoit lieutenant pour le Turc, qui les estima d'estre dignes d'auoir closture à part-eux. Lors que les vismes, il n'y auoit que neuf ou dix plantes, qui ne reçoient aucune liqueur. Entre les marques que les Anciens nous ont enseigné pour cognoistre le Baulme, est, qu'il doit estre verd en tout temps: Toutesfois celuy de la Materée pres du Caire, n'auoit que bien peu de feuilles, au moys de Septembre, qui nous sembla chose nouuelle: car les autres arbres qui se tiennent verts en hyuer, ne se despoüillent de leurs feuilles, sinon au Printemps, lors que les bourgeons nouveaux sont reuenus. Tels arbres sont plus verts en Autom

Automne, qu'ils ne font au Printemps.

Mais les autres qui se despouillēt de leurs fueilles, les iettent en hyuer, pour se renoueller en esté. C'est pourquoy il nous a semblé hors de propos, que l'arbrisseau du Baulme, se despoiillast en Esté pour se reuestir en Hyuer: car lors que les vismes, tout ce qu'ils auoient de fueilles, estoient nouuellement produites.

Bonnellement ne pouuons exprimer la iuste grandeur dudit arbrisseau de Baulme: car tous ceux qui estoient en ce iardin, n'auoient que des petits rameaux desliez, peu couuerts de fueilles: aussi n'y auoit-il que les troncs d'un pied de haut, qui n'estoient guieres plus gros que le poulce.

Quelque part que naissent les Baulmes, ils ne passent gueres deux coudées ou trois de hauteur: & a un pied de terre, s'espandent en rameaux gressles, qui communement ne sont point plus gros que le tuyau d'une plume d'oye. Les Baulmes de la Materée auoient esté nouuellement re-
*Iusta
 hauteur
 de l'ar-
 brisseau
 qui por-
 te le
 Baulme.*
 taillés, en sorte qu'il n'y auoit de reste que les cicots, dont sortoient les radimens des rameaux aduenir: Or le Baulme ensuit la nature de la vigne, laquelle il faut necessairement rongner tous les ans, autrement necessairement elle s'empire. Les susdits scions du Baulme auoient l'escorce rougeastre par le dessus, & portoyent les fueilles verdes, ordonnées à la maniere du létisque, c'est à sçauoir de costé & d'autre, comme nous voyons es fueilles des rosiers, ou du frefne, ou noyer: toutesfois la grandeur n'excede point la fueille des pois ciches, & est faicte de telle façon, que la derniere fueillette qui est au bout, faict que le

nombre en soit imper : tellement que comptant les fueillettes de toute la fueille , on y en treuve trois, cinq, ou sept, & n'auons gueres veu qu'elles passent en nombre de sept.

La fueille de l'extremité , est plus grande que les autres qui suyuent : car elles viennent consequemment en amoindrissant , comme il aduient à la fueille de Rhuë. Nous trouuons que Plinè a totalement ensuiuy ce que Theophraste en a escrit , comme aussi Dioscoride : & cheminans par mesmetrace ont escrit , que ses fueilles sont approchantes des fueilles de la Rhuë, ce que n'auôs trouué veritable.

Or parce qu'auons passé trop de legier sur le Baulme, de la Materée, & ne l'auons pas bien obserué la premiere fois, retournans voir pour la seconde, & ayans trouué moyen d'en recouurer vn petit rameau , duquel goustasmes , & aussi de ses fueilles , les trouuasmes estre quelque peu adstringentes , avec vn goust vnctueux , & au demeurant aromatiques : mais l'escorce des rameaux est encores plus odorante. Le rameau est vestu de deux escorces : La premiere est rougeastre par dehors , & couure, comme vn parchemin sur l'autre de dessous qui est verde, qui touche au bois. Ceste escorce goustée baille vne saueur entre l'Encens & la fueille de Therebinte , approchante à la saueur de Sariette sauuage, qui est vne saueur fort plaisante , & frottée entre les doigts, tient de l'odeur du Cardamome.

Le bois en est blanc , & n'a non plus de saueur ne d'odeur, qu'vn autre bois inutile. Il y a des rameaux droicts, fort gresles , qui ne sont que petites verges desliées , autour desquels les fueilles
sortent

sortent hors sans garder ordre, tellement que l'une ne sort maintenant deçà, & par interualles vne autre delà; ainsi conséquemment distans l'une de l'autre, entournans rarement le petit rameau, & (comme auons desia dit) chascque fueille est tellement composée, qu'en vn mesme pied, il y en a iusques à trois, ou cinq, ou sept.

Ayans desseiché nostre rameau de Baulme, & conféré avec le *Xilobalsamum*, qui est vendu és boutiques des marchands, l'auons trouué conuenir en toutes marques. Les opiniôs des Auteurs qui ont escrit du Baulme, sont si diuerses, que si ne l'eussions veu nous mesmes, n'en eussions osé escrire vn seul mot apres eux, & serions bien d'opinion, qu'il n'en a onc esté cultiué en la plaine de Ierico, comme l'on a escrit.

Or pource qu'en auons veu l'arbrisseau, & bien considéré, il nous a semblé bon en faire tel discours que pensons appartenir à vne chose que l'on veut curieusement obseruer. Nous auons trouué par experience, que le bois vulgairement nommé *Xilobalsamum*, qui est vëdu par les marchands, apporté de l'Arabie heureuse, conuient avec celuy d'Egypte qui est cultiué en la Materée, & faut de deux choses l'une, ou bien que le bois nommé *Xilobalsamum*, & le fruiçt nommé *Carpobalsamum*, tels que nous auons en cours de marchandise, soyent faux; ou bien que celuy qui est cultiué en Egypte, au iardin de la Materée: qu'on estime vray, soit faux.

Car les voyans conuenir en toutes choses, sçachâs bien que c'est tout vn, voulons maintenir & conclurre, que celuy qu'on vend, sous le nom de bois

de Baulme , est celuy qui de tous temps a esté en vſage.

Le Baulme est pour le iourd'huy ſeulement cultivé en Egypte pres du Caire , & combien que Theophraste a esté d'opinion , qu'on n'en trouue point de ſauuage , toutesſois oſons conſtamment aſſeurer que de tous temps il y en a eu , & encor a maintenant en l'Arabie heureuſe, dont le bois & le fruit ont esté apportez de toute antiquité , par meſme voye de marchands , qui nous apportent d'autres marchandises d'Arabie. Et voulons prouuer qu'ils eſtoyēt cōgneus entre les marchāds, cōme eſtoient les autres drogueries:choſe que pouuons prouuer facilement par les compositions des medicamens , eſquelles on auoit accouſtumé de tous temps en meſſer:Mitridates ne les mettoit-il pas en ſon medicament ? ne les trouuoit-on pas à achepter aux boutiques? Cela prouue Dioscoride, ſe complaignant dequoy l'on ſophiſtiquoit la ſemence du Baulme dès ſon temps. *Carpobalsamum* (dit-il) *adulteratur ſemine hyperico ſimili, quod à Petra opido deſertur.* Pour *Petra oppidum* , entendons la Mecque. Il dit ainſi du bois : *E ligni genere quod Xilobalsamum vocant probatur, recens, ſarmento tenui, ſuluum, odoratum, quadantenus Opobalsamum ſpirans.* Par leſquelles paroles il eſt tout manifeſte qu'il eſtoit en commun vſage entre les autres drogues. Encor eſt-il tout manifeſte par les paroles de Diodore Sicilien, tres-ancien Hiſtorien, deſcriuant les richesses de l'Arabie heureuſe: diſant qu'elle produit le Baulme és lieux maritimes. Il ne veut doncques pas entendre que ce ſoit le Baulme cultivé: mais qu'il croiſſe ſauuage.

Diodore
Sicilien.

Paufa

Pausanias a aussi escrit que le Baulme estoit vn arbrisseau de l'Arabie. Les Autheurs ne s'accordent en parlât du Baulme: Strabo escrit qu'il croist en Syrie, aupres du lac Genasarhet, entre le mont Liban & Antiliban. Les autres Autheurs veulent que la seule region de Iudée le produise, & qu'il ne faille toucher ses rameaux pour en auoir la liqueur, sinon qu'avec des instrumens d'os ou de verre, disans que si on bleissoit le tronc du Baulme avec le fer, pour en auoir l'huile, qu'il se mouroit incontinent.

Cornelius Tacitus escrit que quand on met du fer aupres, il s'effraye, de grand peur qu'il en a: & que par cela il le faut entamer avec d'autres instrumens qu'avec le fer, autrement l'on n'en auroit point de liqueur. Nous enquerans du Baulme aux marchands du Caire, lors que conferions nostre rameau, ils disoient, que tout le Xilobalsamū qu'ils auoient iamais vendu, venoit avec les autres drogues qu'on apportoit de la Mecque, & que de leur temps, ils auoient souueuance d'auoir veu les Baumes, qui sont pour le iourd'huy à la Materee, apportés de l'Arabie heureuse, avec grande despense du Soudan. Et pour autant que tant de gens le nous ont asseuré, auons trouué que le pouuons bié escrire sans aucun scrupule, & sans rien dissimuler, de ce qu'il nous a semblé.

D'autant qu'on met en doute l'histoire & description du Baulme, à cause que les anciens Autheurs disoient que la seule Iudée le produisoit, il ne me semble hors de propos de mettre icy en ieu vne histoire qui confirme que de tout temps l'Arabie felice le produit: Je l'ay tiree du liure pre-

Les Baulmes qui sont en la Materee ont esté apportez d'Arabie.

mier des plantes d'Egypte , page 21. de Prosper Alpin, où il dit: En l'Arabie felice , il y a vne Cité principale appelée Mecque, qui est située pres de la mer rouge. Il y en a vne autre que l'on nomme Medine , laquelle est esloignée de ceste-cy de 8. iournées de chemin , en laquelle est le sepulchre de Mahomet leur faux Prophete.

On y voit aller tous les ans douze ou quinze mille pelerins Egyptiens qui vont en ce lieu faire leur offrande & sacrifice. Il y a vn chef ou capitaine esleu pour leur seruir d'escorte, lequel suiuy de trois cents mille hommes de guerre , est tenu de les conduire à la Mecque & Medine , & aussi les ramener à sauueté iusques au Cayre : cela se faiët à cause que bien souuent ils sont vollez , deualisez & meurtris dedans ces deserts par les Arabes. Ce sont des peuples qui ne peuuent viure que de rapine, cruels, vaillans, & bien à cheual, c'est mesme vne coustume entre eux de ne demeurer iamais en repos, ne se logeans autre part que sous ces tentes: estans continuellement à cheual à faire des courfes.

Or est-il que le chef de ceste armée, lequel ils appellent Hamirag , les conduit par droiëte voye à la Mecque, puis en s'en retournant , ils s'en vont à Medine au sepulchre : Ce chemin se paracheue en quatre iours , ils demeurent à Medine & à la Mecque l'espace de vingt iours. Le grãd Seigneur enuoye a Medine deux principaux chefs & gouuerneurs, l'un qui ordonne de ce qui concerne des ceremonies de leur Loy & Religion, & l'autre qui commande à toute ceste armée , & aux pelerins.

La Mecque est commandée par vn Prince Arabe, lequel n'est pas entierement obeyssant ny subiect du grand Turc: Il est nommé Seriph, on donne ce tiltre d'honneur, & ceste qualité à tous ceux qui sont de la lignée de Mahomet, & aussi à tous ceux qui peuuent monstrier par escrit qu'ils sont ses parens ou cousins.

Ce Roy de la Mecque souldoye dix mille hommes de cheual bien armez & bien montez, & vingt mille hommes de pied: Dés aussi tost qu'il voit que ceste Carauane approche du lieu où il est, craignant que le grand Turc sous pretexte de ceste peregrination ne luy dresse quelque embusche, il sort de la Mecque, & se retire avec son armée dedans les montagnes: là il demeure iusques à ce que les pelerins s'en soyent allés, les menaçant de iour à autre, que s'ils ne se retirēt les vingt iours expirés, qu'il leur osterà l'eau, d'autant que toutes les eaux prennent leur source des montagnes où il est.

Le Roy des Turcs enuoye au Seriph ces presents, c'est à sçauoir vne robe courte brochée d'or, ou pour mieux dire, vne cotte d'armes, à ses enfans & à ses freres, cent & cinquante mille escus tous les ans: en cõtre-change de ces dons, il enuoye au grand Seigneur quatre cens pieces de draps de lin Indiennes bien fines, tainctes en couleur de pourpre.

Outre ce il luy enuoye trois ou quatre liures de Baulme; au Baccha du Caire, il luy en enuoye vne liure; au Capitaine des pelerins, demy liures. Il y a aussi d'autres Capitaines & d'autres pelerins de Damas, & de l'Arabie Felice, à tous lesquels

il faiçt don & present de certaine portion de Baulme. Apres le despart de tous ces pelerins de la Mecque, ils prennent leur route vers vn certain Mont qu'ils appellent Arafat, au pied duquel il y a vn lieu qu'ils appellent Mauré, où ils sacrifient en memoire du sacrifice que fit Abraham, croyans que c'est le lieu où fut faiçt ledit Sacrifice.

Or à moitié de chemin en s'en retournant, il y a vne montagne sablonneuse, laquelle produit plusieurs plantes de Baulme, lesquelles ils croyent estre là procréées, & là naistre par le miracle de Mahomet, d'autant que c'est vn lieu sterile & mortagneux.

Et à celle fin que l'on ne mette point en doute ce que nous disons, sçachez que le Seriph donne à bail & ferme le Baulme à personnes qui luy en rendent tous les ans quelques milliers d'escus, lesquels en peuuent vendre à qui bon leur semble.

De tout ce qui a esté dit cy deuant, on peut conclurre qu'il n'y a rien de si certain que le Baulme se peut facilement recouurer de l'Arabie heureuse, laquelle seule pour le iourd'huy le produit : Je confesse qu'au dire des Anciens, la Iudée en fournissoit aux autres nations : mais maintenant nous sommes bien asseurez que le Seriph prince de la Mecque, en enuoye tous les ans, comme pour tribut, au grand Seigneur quatre liures, outre plusieurs autres presens. Il en donne aussi aux chefs & capitaines des pelerins qui vont au sepulchre de Mahomet, aussi bien qu'au Bascha qui gouverne le Caire.

Il n'en faut point recercher vne preuue plus manifeste, que par le tesmoignage des Carauanes
& mar

& marchands qui abordent à certaines annees au Cayre. Il y a plusieurs modernes qui se sont ahurtez à ceste verité, entre autres Cathelan, Apoticaire de Montpellier, lequel en son liure intitulé, *Discours & demõstration des Ingrediens de la Theriaque*, imprimé en ceste ville de Lyon, l'an 1614. par Jacques Mallet, en la page 168. Il dit en ces propres termes, *ie veux asseurer hardimẽt que la vraye cognoissance des Baulmes est auionrd'huy perduë* (comme si nous en auions de deux especes) *si que ie conclud contre Prosper Alpin, que nous n'auons plus de vray Baulme.*

Il ne me semble pas raisonnable, Cathelan, que vostre opinion doie estre preferée à celle de Prosper Alpin, n'y aussi à celle de Pierre Bellon, ce sont deux des plus suffisans & capables Medecins de leur temps : leurs œuures, leurs labeurs, & leurs longs voyages, les ont assez faict cognoistre à la posterité.

Arriere doncques l'opinion de Cathelan qui en veut plus sçauoir que les tesmoings oculaires. En suite de son discours, il desaduouë aussi bien le fruiet du Baulme, comme son bois, en subrogeant en sa place d'autre ycaires : ce n'est pas seulement de ces trois medicamens qu'il en ordõne à sa poste, il en faict de mesme au trochisques de Scilla: il confesse bien que les vrayes Scilles sont les blanches qui sont apportées d'Espagne : mais parce qu'il n'a que des grosses Scilles rouges de Barbarie, il dit qu'il n'importe point de mettre dedas la Theriaque des blanches ou des rouges.

Il en faict de mesme du Marum : car ne l'ayant pas, non plus que les susdits, il luy substitue la petite marjolaine, nous auons souuent faict la The-

riague dedās Lyon: mais nous y auōs tousiours mis le *Marum Syriacū*: ne voit il pas qu'il luy faut mettre de necessité incontinent apres pour l'Amarius encores vne autre fois la Marjolaine ? L'Aspalatus fuit, pour lequel encores il substitue le Santal citrin, ne se souuenant pas que puis apres en la composition de l'Hidicroon, il le faict encores vne autre fois seruir de succedanée pour le Xilobalsamum. Je laisse le suc de regalisse tiré de la racine recente de Languedoc, espoiissi à feu lent, encores que i'approuuerois dauantage celuy lequel nous recouurons tous les iours d'Espagne, comme meilleur & plus efficace que le sien.

Suyuons, & parlons du Costus: Il a mieux aimé mettre en sa place le Zedoar, que d'y mettre le Costus Indique, ou au deffaut d'iceluy le *Costus Arabicus Zingiberus facie*: qui se recouurent facilement.

Il y a plus de vingt & cinq ans passez que nous les auons mis dedans nos Theriaques en ceste ville de Lyon.

Il dit dauantage que le Zedoar pour le collauder encores plus, que c'est le vray Anthora: ceux qui sont bien versez en la cognoissance des plantes diront tousiours que l'Anthora, ou l'Antithora de Mathiole, ou bien le Napellus Mosis, est vne plante qui a les fleurs iaunes, de mesme forme & figure que celles du Napellus, qui sont cerulees: elle a deux racines semblables en grosseur & en figure a deux oliues, elles ont l'escorce exterieure noirastre, & la chair au dedans blanche, ceste plâte croist tout aupres du Napellus, ils disent aussi qu'il n'y a point de remede plus efficace pour reprimier
la

la venenosité, aussi bien que celle du Thora ; de là vient qu'elle est appelée Antithora de Mathiole.

Les modernes qui ont esté aux montagnes de Saluces & de Pignerol & aussi auprès de Dye où ils ont cueilly ceste plante , disent que les habitans du pays l'appellent l'herbe du Maclou , à cause qu'elle à des grandes proprietéz contre les douleurs Coliques : De ce discours il faut Colliger que l'Anthora n'est le Zedoar cōme veut Cathelā, car cest vneracine d'une plāte laquelle luy ny moy n'auōs veuē, à cause q̄ suyuāt Garcie du Iardin, elle viēt des Indes.

La Therebentine de Chio suyt, à laquelle il substitue fort hardiment celle qu'il appelle Resine de Meleze , ie ne sçay pas pourquoy vous vsez de tant de succedanees , Cathelan , Le Therebinte de Chio n'est pas si malaisé a recouurer , nous en auōs tousiours eu en nos Theriaques.

L'Accacia suit: ceste erreur va avec les autres, on substitue le suc de nos prunelles au vray Accacia, disant qu'il nous est incogneu , & que personne de nostre temps ne la veu. Cathelan conclud que par traditiue on peut subroger ceste Accacia de Sauoye à la vraye d'Egypte , s'il en vouloit recouurer il en trouueroit aussi bien pour l'argent que nous, qui recouurons tout ce dequoy nous auons de besoin.

Nostre Terre-selle viēt à son tour, laquelle il faict si difficile a recouurer qu'il luy substitue le Bol de Leuant: ie laisse à part sa methode exquise qu'il met en ieu pour contrefaire la terre de Lemnos & la nature: ce sont des preparatiōs qui sont inutiles & trop laborieuses pour ne seruir à rien, il suffit de ce que laques Paschal Apoticaire de Beziers en a escrit contre luy: nous recouurōs tout ou par amis , ou par diligence

gence, ou par argent : l'Isle de Lemnos n'est pas si esloignez de nostre climat, que nous n'en puissions pas recouurer.

Le Chalcithis se presente, ie m'estonne comme luy qui a tant de communication avec les Allemands, n'a fait moyen d'en recouurer du vray: ce n'est pas vne chose si rare, le copperos calciné doit estre reiecté, cestuy-cy presët: Il allegue force raisons friuolles pour authoriser ces substitus: Encores fait-il vne autre plus grande faute, quād pour l'Aspalathus qui se peut recouurer, il employe le Santal citrin: ne se souuenant pas qu'aux trochisques Hedicroon, il le subroge encores en la place du Xilobalsamum: voila comment il augmente le nombre de ces vicaires, & mal à propos, comme si l'un & l'autre n'estoient aysez & faciles à recouurer.

L'Aristolochie aussi vient à son rang, de laquelle nous dirons quelque chose en passant: Pline entre les Anciens en a fait de quatre especes; Cathelan pour trouuer occasion de me reprendre & m'arguer en la page 272. dit qu'il n'y en a que trois especes, laissant en arriere la quatriesme, qui est l'*Aristolochia tenui radice*, Pline l'a voulu nommer Pistolachia: il veut inferer par là que ce n'est pas vne Aristolochie, voicy ce qu'il dit: *Que s'il me faut contredire à la Pistolochie que Colin a employé à Lyon en ceste composition, ie ne trouue autre raison pour reprouuer ceste methode, ie le prie de m'excuser, sinon que la Pistolochie n'est pas ce que l'auteur a ordonné: car c'est vne plante toute à part.*

Or Cathelan, vous ne pouuez desnier que Pline ne l'aye recogneuë pour vne espece d'Aristolochie

chie, quand il dit: Est & quæ Pistolochia vocatur, quartæ generis, tenuior quam longa, clematidis appellata, densis radicis Capillamentis: hanc quidam Polyrrhizon cognominant: Odor omnium medicatus, sed oblonge radici & Clematidi gravior. Has quatuor Aristolochias Medici & Pharmacopei Monspelienſes dudum notiſſimas, & uſu receptas habuerunt.

Et ſi vous n'eſtes cõtent de ceſte authorité, Voicy Pena qui vous condamne. *Ac primum inquit animaduertat rei herbaria ſtudioſus, tantam eſſe trium, rotundæ, longæ, & Piſtolochiæ Pliniana in foliis, caule & flore ſimilitudinem, & tam parem formam, ut ne perſpicaciori quidẽ, & excercitatiõri, interdũ non liceat decipi. Nam folium omnibus fere rotundum, magnitudine ferme pari, è caule lento flexili, floribus color partim ex luteo nigricat, forma omnibus eadem. Vnde diſcrimen, vel attentius intueñi vix patet inter tres iſtas Ariſtolochias, niſi radix certiore faceret. Et plus bas, Piſtolochiæ radix multis eſt fibrata capillamentis, Ellebori modo, prolixioribus tamen, & ex atro flauẽtibus. Adhuc toto habitu aliquanto minor eſt: Verum gratiore eius odor, multo, & magis aromaticus: nulla alia neque folij, neque florum, aut pomorum differentia, uti neque ſeminis. Et continuât ſon diſcours en depeignât la Clematite, il dit: Clematidis radix eſt exilis, odorata, multo proceriore fruticat ſarmento, viticeo cubitali, flore luteo, caule cubitali, fructu oblongo, magnitudine parui oui, ſemine intus lato. Hac in vineis plurima reperitur, & aruis frigidioribus Galliæ & Italiæ, Germania, etiam & Flandria ſponte natam habet. Mathiolus & Pharmacopei geminam longam eſſe cenſent. Voicy qui parle à vous, Cathelan. Hanc falſo multi crediderunt eſſe quæ ab Andromacho & Galeno ἀριſτολόχια λεπτή, id eſt, Ariſtolochia tenuis*

tenuis dicitur, Theriacis aptior, quæ est Aristolochia Polyrhizos, tum suavi odoris gratia, tum medicata efficaciore facultate præferenda, rotunda, & longa, nedum Clematidi, quæ viribus inferior est. Je pense Cathelan, vous auoir assez suffisamment respõdu pour prouuer que c'estoit à vous à ensuiure ma methode, & non à moy, à suiure la vostre: car vous sçaez bien qu'en conference familiere à Lyon, n'y ayant que vous & moy en ma boutique, ie vous dits franchement que c'estoit mon opinion, que ie l'auois employé en ma Theriaque, l'an 1611. qu'en cela ie me ieruois de l'autorité d'Andromachus, l'autorité duquel est beaucoup plus receuable que de nul autre, parce que nous ensuyuons sa description comme la meilleure: veu que dedås ses vers Gres, il dit: *καὶ λέπην ρισαν ἀριστόλοκον*. Par là il est facile à voir qu'il entend parler de la Pistolochie, qui est celle-là des quatre cy deuant nommées, qui a la racine plus delié & plus petite. Il est bié probable que Dioscoride ne l'a pas cogneuë cõme Andromachus, qui estoit natif de Crete: où elle croist abondamment, comme tesmoigne le curieux Belon, & les autres cy dessus mentionnez. Galien l'ayant en grande recommentation pour la cognoissance des plantes, dit de luy ce qui s'ensuit: *Cretensis quidem erat natione, ac verissimile est Cretam, ut plerasque alias herbas, ita etiam ad vnum quoddam medicamentum idoneum illiusmodi virum hominibus produxisse.* Je sçay que les Modernes apres Dioscoride & Pline, en ont encores trouué autres cinq especes, differentes aux quatre cy deuât nommées: qui ne laissent pas pourtant d'estre Aristolochies aussi bien que les autres: mais pour n'estre prolixie ie renoye le lecteur, à ceux qui ont obligé la posterité

pour leur en auoir appris la cognoissance de plus grand nombre.

Il se voit doncques manifestement que l'opinion de Rondelet, quoy que grand personnage accôpagnée de la vostre, ne peut balancer à celle d'Andromachus, de Galien, de Pline, de Pena, de Iacques d'Alechās, & de plusieurs modernes: or par ces raisons, vous voyez que ce n'est pas vne plâte toute à part, ains est vne Aristolochie. Je n'auois pas delibéré, maistre Cathelan, dem'estédre si auât en ceste matiere, ne fust esté qu'auiez pris occasion de me reprédre en ma methode: au moins vous diray-ie que lors que M^r Veau & moy auôs préparé la Theriaque en la maison de ville, en preséce des Lieutenans de Roy, des Magistrats, & de tout le corps de la Medecine, nous ne nous sommes pas seruy de treize ingrediens, pour succedanees, côme vous: & si ie ne mets pas en ligne de conte, vostre vin clairer, & iugeant la maluoisie vieille garbe meilleure qu'iceluy. Mais si aujourd'huy i'auois enuie de la faire, ie m'asséureray tousiours de la composer parfaite de tous ces ingrediens, excepté d'un tant seulement, qui est le Calamus odoratus: Ce n'est pas dôcques le moyen de bien composer la Theriaque, puis que vous y mettez tant de vicegerens. Vous mesmes vous accusez en la p. 148. où vous disputez: sçauoir-mon, si pour substituer le poyure noir au blâc, qui n'est pas si efficace; il seroit de besoin suiuant l'opinio de Iobert, de l'augmenter du tiers, vous dites: *A quoy ie respôds, s'il falloit augmenter tous les substitus des vrayz ingrediens qui nous manquent en ceste Theriaque, que cela traineroit vne grande confusion, puis que la pluspart d'iceux, ne sont rien que succedanees: ce qui seroit absurde.*

Aussi

Aussi ne faut il iamais s'aider des substitus , lors
 que pour de l'argent on peut recouurer les drogues
 pour vne composition si Celebre qu'est la Theria-
 que, comme vous auez faict en celle que vous auez
 dispensée à Montpellier: auctorisant par vos discours
 superflus & inutiles les faiseurs de *qui pro quo*
 (comme l'on dit vulgairement) vous couurant du
 manteau de la capacité & suffisâce de messieurs les
 Docteurs de l'Vniuersité de Montpellier : par ce que
 vous dites auoir faict ces remonstrances eux pre-
 sens. Je ne m'estonne pas si la Theriaque de Mont-
 pellier est à si bõ marche: veu que vous y mettez tât
 de vicaires, qui ne vous coustët guieres. Je ne m'esté-
 dray d'auantage sur ce subiect, demandant à ce bon
 Dieu qu'il me fasse la grace de pouuoir , auant que
 mourir, voir en ceste ville de Lyon la dispensation
 du Theriaque parfaicte, sans aucuns substitus,
 le tout à l'honneur & gloire du tout puis-
 sant, aussi bien qu'au profit
 des pauures affligez de
 maladie.

DE L'ACATIA D'ÆGIPTE

ou d'Arabie.

CHAP. IX.



Es Ægyptiens appellent Sant l'Acatia, c'est vn arbre grand comme vn meurier, qui vient abondamment aux montagnes de Synai proches de la mer rouge, il a les rameaux largement espars, ce que Dioscoride tesmoigne, disant qu'il ne s'esleue guieres haut le tronc, est de la grosseur du prunier, son escorce noire aspre & rabouteuse munie de plusieurs espines blanches fort poignantes. Il a les feuilles languettes, petites, decoupees fort menu, approchant à celles de l'Athanasia. Les fleurs sont petites, de couleur passe iaunastre, & aussi blanches, rondes, semblables à des flocs de laine, faisans vne forme ronde, elles ont vne odeur qui n'est point desagreable. Les arbres que l'on void au Caire ont les fleurs iaunes, passes, & celles des montagnes d'Arabie, les ont blanches. Les fleurs tombees, sortent incontinent apres des gousses ressemblas fort à celles des lupins, & neantmoins plus petites, du commencement elles sont verdes, incontinent apres elles deuiennent noires, ses semences sont semblables à celles du Carroubier, & reserrees dedans les follicules, les feuilles, les fleurs & les fruiets, sont fort aspres, stiptiques & adstringens. Ils expriment le suc des gousses verdes & non meures, lequel ils cuisent iusques à vne consistance dure & dessechee pour s'en seruir par apres. Quelques vns tirent le suc des feuilles & fleurs imparfaites: mais il est de beaucoup moindre efficace que le precedent. Les tanneurs de cuirs du Caire

consument vne grande quātité de ce suc pour noircir leurs peaux. Il y a masse & femelle de cet arbre. Le masse est tout herissé d'espines, ne portant point de fruiēt. La femelle a moindre quantité d'espines, plus molles, & si elle n'en a au dedans des rameaux, mais en dehors. Cest arbre est fort fœcond & fertile, il fleurit au mois de Novembre, & si refleurit au mois de Mars, si bien que deux fois l'annee il porte fruiēt en sa parfaicte maturité. Il ne faut nullement doubter que ceste plante ne soit le vray *Acatia* des anciens ou espine d'*Ægypte*, ce qui est manifeste par toutes ses marques: parce que principalement il n'y a point d'autre plante espineuse en *Ægypte*, qui corresponde mieux aux marques cy deuant citées de l'*Acatia*, mesmes qu'encores auiourd'huy ils l'appellent *Kachia*.

Pierre André Matthiole se trompe grandement quand il dict en ses commentaires sur Dioscoride que l'espine d'*Ægypte* croist en Grece, voila pourquoy il faut conclurre que la figure de l'*Acatia* qu'il en a exhibé est entierement fausse, & que la vraye *Acatia* croist en *Ægypte*; & si elle est toute telle que nous l'auons descripte. Il reste maintenant à esclairsir vn point bien necessaire pour la cognoissance de la gomme Arabique, ce doute a esté enfanté par Dioscoride, parce qu'il dict que la vraye gomme Arabique aussi bien que celle qui sort de l'arbre qui porte l'*Acatia* en *Ægypte*, doit estre de figure vermiculée, d'autant que la plus grande partie de celle qui nous est apportée de là, est semblable en forme, couleur, & substance, à celle que l'on recueille sur les pōmiers, amādriers, cerisiers, pruniers, peschiers, & poyriers de ce pays. Pour refuter ceste erreur

Prosper

Prosper Alpin en son liure intitulé des plâtes d'Ægypte, page 6. (où tu verras la figure de l'arbre qui porte le fruit d'où est sortie l'Acatia, & aussi la gomme Arabique, tiré apres le naturel) dict que toute la gomme laquelle nous appellons icy Arabique est tirée des arbres de Sant ou Kachia, que luy mesmes en a cueilly sur ces arbres qu'il y en a fort peu de vermiculee, ains il s'en trouue d'une couleur claire & transparente, d'autre un peu plus trouble, d'autre plus blanche, d'autre verdasse, si bien que les arbres ne produisent pas la gomme de mesme forme, ou figure, ou couleur, les unes comme les autres; parce que si la gomme sort fort espoissie elle ne s'estendra pas fort auant en arriere, car aussi tost qu'elle est dehors elle s'endurcit: comme tout au rebours si elle sort subtile & composée d'un suc plus fluxile, il rend quelquesfois la gomme longuette & vermiculee: en un mot il dit auoir veu plusieurs pieces de gomme Arabique, qui n'estoit nullement differentes à celles qui se recueillent sur les arbres de nos cerisiers, pruniers, amandriers, peschiers, en leur forme ny en leur figure: ce qui est encores plus vray semblable, d'autant qu'en tous les pays d'Arabie & d'Ægypte, il n'y a aucuns de tous ces arbres portans ces fruits sus mentionnez. Voila ce que j'auois à dire touchant à l'Acatia, medicament noble excellent & efficace, sans lequel ne se peut composer ce grand Antidote de Theriaque, ceux qui substituent à iceluy le suc des prunelles sauvages sont d'autant plus reprehensibles, cherchans des substituts, lors qu'ils peuuent recouurer les vrayes & legitimes drogues.

De l'Aspalathus.

C H A P. X.

Hono-
rius Bel-
lus.

Seconde
espece
d'Aspa-
lathe de
Dioscori-
de.

Sa des-
cription.

Erreur
de Ma-
thiolo.

D'Autât que l'Aspalathus est vne drogue neces-
saire pour la composition de ce grand Anti-
dote du Theriaque, & que ie ne sçache persône, qui
aye faicte vne parfaicte description, comme a faict
tres doctement Honorius Bellus, personnage bien
versé en la cognoissance des plantes: ie me suis pen-
sé de l'adiouster en ce lieu, comme chose vtile &
tres necessaire, lequel en parle en ceste maniere.

Ceste-cy est la seconde & vraye espeece d'Aspa-
lathe de Dioscoride, ainsi encores appellé par toute la
Grece, de cet arbrisseau, on en faict par tout le pays
des hayes, mesmes on en trouue des forests en-
tieres.

La matiere du bois est blanche, fort dure & pe-
sante, le cœur toutesfois est noirastre, n'ayant point
d'odeur: elle porte des fleurs iaunes, vn peu odoran-
tes, semblable à la geneeste: il est vray que quand le
vent tire elles se font sentir de loing: des fleurs nais-
sent des petites gouffes remplies de trois ou quatre
semences: les feuilles sont semblables à celles de la
Rhuë, trois ioinctes ensemble, l'arbrisseau est tout
herissé d'espines: il a vne racine ferme, ligneuse, &
qui n'a point d'odeur.

Mathiolo se trompe grandement en ce qu'il l'ap-
pelle vne autre espeece d'Acacia, veu que cest la se-
conde espeece d'Aspalathe de Dioscoride.

Voila doncques la description de la seconde, il
reste maintenant à dire quelque chose de la pre-
miere espeece de Dioscoride, qui est à peu pres sem-
blable à la susdicte: mais plus odorante & medica-
menteuse

menteuse descrite par Pline : de laquelle aussi Galien a faicte mention, la iugeant plus apte aux Antidotes, comme seroit pour l'employer en nostre Theriaque : elle ne doit estre pesante comme l'Ebene : ny si amere comme l'Absinte, ny aussi sans espines, comme mal a propos ont pensé quelques vns, ce qui est totalement contraire a l'opinion des anciens Autheurs.

Ceste-cy doncques sera la vraye & legitime description de la premiere espece d'Aspalathe de Dioscoride de Pline & de Galien, duquel nous nous deuons seruir en nostre Theriaque, la substance du bois du vray Aspalathe, n'est pas si compacte, que estant iettée dedans l'eau, quelle descende au fond : mais si elle est comparee avec plusieurs autres bois, elle se trouuera assez dure, compacte, & pesante : son escorce superieure est d'une couleur cendree noirastre, & doiue d'une certaine acrimonie adstringente : laquelle leuee, il se presente vne membrane beaucoup plus efficace, ce qui se discerne par le goust, l'escorce qui suit est d'une couleur rouge, imitant celle du feu : lequel estant osté de la partie ou il est adherant, le bois ce descouure estre d'une couleur aucunement purpuree ; passe au dedans, quand a la partie interieure elle est noirastre. Tout ce bois est d'une qualité adstringente, mēlée avec quelque acrimonie. Il est fort odorant d'une odeur forte, & qui frappe tout aussi tost au nez que scauroit faire le Castoreum : il est fort branché, tout herissé d'espines : Qui en voudra voir le pourtrait, il le trouuera en vn liure que a composé vn Ian Pona Apoticaire veronnois, en vn traicté qu'il a faict des plantes qu'il a veües en vne montagne a

*Premiere
espece de
l'Aspalathe
de
Dioscori-
de.*

*Cestuy,
sera l'As
palatus
vray qui
doit estre
employé
en la The
riaque.*

vingt mille de Veronne appellée d'eux Monte Bal-
do, il y en a aussi quelques autres obseruées par
Honnorius Bellus de Vincense, en Candie, en la
page 16. homme fort diligent en la description, &
cognoissance des plantes. Voila ce que nous auions
à dire de l'Aspalathus.

Solâ Deo honor & gloria.

INDICE

DES CHOSES PLUS

MEMORABLES DE CE LIVRE.

- E**N quel lieu croist le Baulme. pag. 25
 La plante du Baulme se transporte de l'Arabie au Caire. p. 26
 Opinion de Dioscoride touchant le Baulme. p. 28
 Le Baulme de Indee & d'Aegypte n'est plus en nature. p. 28
 Le Baulme descrit par Dioscoride, Theophraste, & Pline est du tout perdu. p. 29
 Du temps d'Artaxerxes, le Baulme s'est perdu. p. 29
 Erreur de plusieurs, touchant la plante du Baulme. p. 30
 La plante du Baulme, se transporte communement d'Arabie en Aegypte. p. 30
 Le Baulme, se cultive fort soigneusement en Arabie. p. 31
 Les Orientaux achettent cherement le Baulme. p. 31
 Il n'est permis qu'aux Fermiers de vendre le Baulme. p. 31
 Preuve de plusieurs Auteurs anciens, comme le Baulme croist en Arabie. p. 32
 Description de la plante du Baulme. p. 32
 Le Baulme qui est en Aegypte & Indee cultivé dans des vergers royaux, est transporté de l'Arabie heureuse. p. 33
 Le Baulme est preferé à toutes odeurs. p. 33
 L'Arabie heureuse est le país natal du Baulme. p. 34
 La fertilité du Baulme est si grande, qu'en envoie de son

T A B L E.

<i>suc, si uict & bois en diuerses parties du monde.</i>	p.35
<i>Description du Baulme.</i>	p.35
<i>Etymologie du nom du Baulme.</i>	p.36
<i>Qu'il faut prendre la cognoissance du Baulme des Medecins Arabes, Egyptiens, & Iuifs.</i>	p.37.46.67
<i>Eunuque Messir gouverneur d'Ægyie fit apporter de l'Arabie 40. arbrisseaux de Baulme pour les planter au verger de la Materec.</i>	p.38.82.85
<i>Les arbrisseaux du Baulme incultes ne produisent le Baulme.</i>	p.39
<i>Description vraye de l'arbrisseau, qui porte le Baulme.</i>	pag.41
<i>En quel temps se tire le Baulme, & en quelle maniere.</i>	pag.42
<i>Le Baulme perd son odeur par sa vieillesse.</i>	p.43
<i>Le Baulme est distingué par 4. aages.</i>	p.44
<i>Dioscor. & Theophr. ont esté variables en la description du Baulme.</i>	p.45
<i>Opinion de plusieurs auteurs touchant le Baulme.</i>	p.47
<i>La Maissonnette ou demeura en Ægypte la Vierge Marie avec son Fils, est en grande veneration par les Egyptiens Arabes, & Mahometans.</i>	p.48
<i>On coupe chascue année les reiettons du Baulme.</i>	p.49.81
<i>De quelle forme est la plante du Baulme qui vient de semence.</i>	p.50
<i>Couleur du suc du Baulme.</i>	p.55
<i>Sauueur du Baulme.</i>	p.55
<i>Le Baulme est fort leger, & se dissout dans l'eau.</i>	p.55
<i>Erreur du Plin en la description du Baulme.</i>	p.56
<i>Il ne se trouue aucun Baulme noir.</i>	p.56
<i>Le Baulme de quel aage qu'il soit, estant mis dans l'eau reprend sa premiere couleur.</i>	p.57
	Marques

T A B L E.

<i>Marques de l'eslection du vray Baulme.</i>	p.58
<i>Du temps de Galien on falsifioit le Baulme.</i>	p.59
<i>Diuerſes formes pour falsifier le Baulme.</i>	p.60
<i>Moyen de recognoistre la falsification du Baulme.</i>	p.61.68
<i>Marques de l'eslection du Baulme ſuiuant pluſieurs au- theurs.</i>	p.62.63
<i>Le Seriph de la Mecque faiët present tous les ans de quatre liure de Baulme au grand Seigneur.</i>	p.67
<i>L'empereur des Turs fit present du vray Baulme à François Duc de Florence.</i>	p.68
<i>L'vſage du Baulme, & de ſon fruit fort neceſſaire en la Medecine.</i>	p.69
<i>Marques d'eslection pour diſcerner vn certain fruit lequel reſſemble au Carpobalaſamum.</i>	p.72
<i>Vraye deſcription du Carpobalaſamum.</i>	p.71
<i>La figure du Calpobalaſamum.</i>	p.71
<i>Eſlection du Carpobalaſamum.</i>	p.72
<i>Qualitez du Carpobalaſamum.</i>	p.74
<i>Eſlection du bois du Baulme.</i>	p.76
<i>Iuſte hauteur de l'arbriffeau qui porte le Baulme.</i>	p.81
<i>Opinion de Cathelan touchant le Baulme & Theriaque.</i>	
<i>pag.89.90.iuſques à la fin.</i>	

F I N.

Prinilege du Roy.

LOVYS PAR LA GRACE DE DIEV ROY
DE FRANCE ET DE NAVARRE. A Nos
amés & feaulx Conseillers les gens tenans nostre
Parlement de Paris, Maistre des Requestes ordinai-
re de nostre Hostel, Preuost de Paris, Seneschal de
Lyon. A tous nos autres Iusticiers & officiers qu'il
appartiendra Salut. Jean Pillehotte Marchand Li-
braire demeurant à Lyon, Nous a faict humblemēt
remōstrer qu'avec frais il auroit recouré vn liure
intitulé *l'Histoire des Drogues & Espiceries, & de
certains Medicaments simples qui naissent es Indes,
& en l'Amerique diuisé en deux parties, & le tout
fidellement translaté en François, sur la traduction
Latine de Charles de l'Ecluse, par Anthoine Colin
Apotiquaire iuré de la ville de Lyon, par luy au-
gmenté de beaucoup d'annotations de diuerses dro-
gues estrangeres, & par luy illustre de plusieurs fi-
gures, ensemble l'Histoire du Baulme*, lesquelles il
auroit faict tailler, lequel liure il desireroit faire im-
primer: mais craignant qu'autres voulussent faire le
semblable qui seroit le frustrer de ses frais & pey-
nes, requeroit humblement nos lettres. A C E S
C A V S E S, voulans le suppliant estre recompen-
sé de ses frais & peynes, luy auons permis & o-
ctroyé, permettons & octroyons par ces presentes
d'Imprimer, ou faire Imprimer ledit liure en tel ca-
racteres qu'il vouldra, par nos païs, terres, & seigneu-
ries. Deffendant à toutes personnes de quelque qua-
lité & condition qu'ils soient, de faire le semblable
part ou portion d'iceluy, ny mesme selon & sur les
vieilles

vieilles coppies , & cependant l'espace de six ans,
à compter du iour & datte de l'impression d'iceluy,
sur peyne de confiscation des exemplaires, & de six
cens liurés d'amende, moitié à nous applicable , &
l'autre audit Pillehotte, & de tous despens,domma-
ges & interests : Voulās en outre qu'en faisant met-
tre ces presentes en vn extraict d'icelle , qu'elles
soient tenuës pour signifiées,& venuë à la cognois-
sance de tous sans souffrir , ne permettre estre faiçt,
mis, ou donné aucun empeschement au contraire:
Car tel est nostre plaisir. Donné à Paris le dernier
iour d'Octobre l'an de grace , mil six cens dixhuiçt,
& de nostre Regne le neufiesme.

Par le Conseil,

DV LIS.

*Consentement de Monsieur le Procureur
du Roy.*

IE consens pour l'intereſt du Roy & du public, que le preſent liure intitulé *l'Hiſtoire des Drogues & Epiceries*, ſoit Imprimé par Jean Pillehotte, avec deffences aux autres Libraires & Imprimeurs de l'Imprimer. A Lyon ce 10. Octobre 1618.

BOVILLOVD.

*Permiſſion de Monsieur le Lieutenant General
en la Senefchauffée & ſiege Preſidial
de Lyon.*


IL eſt permis à Jean Pillehotte d'Imprimer le preſent liure, avec deffences en tel cas requis, fait à Lyon ce 10. Octobre, 1618.


SEVE, Lieute. gene.

Acheué d'Imprimer le 31. Avril. 1619.


ERRATA.

En la page 21. en marge il y a materer, lisez materce, en la page 43. il y a aiguer lisez saigner, en la page 48. en la marge il y en son natal lisez en son lieu natal, en la page 51. il y a plante du Balme lisez Baulme, en la page 81. il y a radiment lisez rudiment, en la page 86. il y a en quatre iours, lisez en quarante iours, en la page 92. il y a esloignez, lisez esloignee.









C619
H673 L

